

2 n u u p z u u y

I

491.99-8
V-28

1927



191.99-8

5-28

ԼՈՒՍԱՐՁԱԿ

ԿԱԶՄԵՑ ՍՏ. ՄԱՆՈՒԿՅԱՆ



Ա. ՏԱՐԻ

ԱՄՍՏՐԱԿԱՆ

1005-10

9/99-8

-28

ԼՈՒՍԱՐՁԱԿ

ԱՌԱՋԻՆ ՏԱՐԻ

Կ ա գ մ ե ց

ՍՏ. ՄԱՆՈՒԿՅԱՆ

Յերրորդ վերամշակված տպագրություն



ՊԵՏԱԿԱՆ ՀՐԱՏԱՐԱԿԶՈՒԹՅՈՒՆ.—ՅԵՐԵՎԱՆ. 1927

25 JUN 2013
#1-3001

9012



ՉՄԵՌԸ ՄԵԶՆՈՒՄ

1. Տ ո ն

Մենք այբբենարանն ավարտելուց հետո տոն կազմակերպեցինք: Դասարանը լավ զարդարեցինք: Աշակերտների աշխատանքները սեղանների վրա եյին, վոր յեկողները տեսնեն:

Շատ մարդիկ եյին յեկել:

Դուրս յեկավ Զաքարը. զեկուցում տվեց մեր աշխատանքների մասին:


Ասեց, վոր 6 եքսկուրսիա յենք ունեցել, հինգ վոտանավոր ենք սովորել: Թվաբանությունից մինչև 10-ը բոլոր գործողությունները գիտենք:

Հետո մենք կարդացինք և թերթիկների վրա



№ 621 Գրառեպլար № 346 (բ) Տիրաժ 30,000
Պետերատի առաջին տպարան Վաղարշապատում

ամեն մեկս գրեցինք մեր անունը, ազգանունը և տարիքը:



Վերջը խմբով վոտանավորներ ասացինք:

- Դուք ել այդպիսի տոն կազմակերպել եք:
- Պատմեցեք՝ ինչպես անցավ ձեր տո՞ւր:



2. Գրագետ

Սուրենը նստած եր սեղանի առաջ. գիրք եր կարդում: Վարդանը մոտենում և ու հարցնում.

- Կարդալ գիտե՞ս:
- Գիտեմ, — պատասխանում և Սուրենը, — լավ

եմ կարդում: Ավելի լավ կկարդայի, բայց կետերը խանգարում են:

— Ձեզ ել խանգարում են կետերը:



3. Առաջին ձյունը


Վայ, մայրիկ ջան, տես, բախն ու դուռը լի, ինչքան սպիտակ թիթեռ և գալի: Եսքան շատ թիթեռ չեմ տեսել յես դեռ:

Թիթեռներ, չեն եղ. թիթեռներն անցան ծաղիկների հետ: Եղ ձյունն և գալի, փաթիլն և ձյունի, վոր կարծես սպիտակ թիթեռնիկ լինի:

— Ձե, իմ անուշիկ,

4. Չմեռ

Չմեռ և: Սար ու ձոր սպիտակ են հագել: — Հա՛, դա՛, դա՛ — մի բարձր տեղ կանգնել ու կուսվում և ազնավր:



Ամենքը ձայները կտրել են, մտել իրենց տունն ու բունը: Միայն յերեխաներն են, վոր ամբողջ որը հաց ու ջուր մոռացել, ձնագնդի յեն խաղում և իրիկունը ձեռներին փչելով վերադառնում տուն:


— Նկարեցեք ձմռան տեսարաններ:

5. Յե՛րբ ե յիևում

Ձյուն կա դաշտերին,
սառույց գետերին.
բուրն ե հեծեծում,
դռները ծեծում:

Այս յերբ ե լինում:

6. Մեր կազմակերպությունը



Ընդհանուր ժողով
արինք:

Որպահաների համար
կանոններ մշակեցինք:

I. Առավոտները բաց
անել ողանցքները:

II. Կավիճ պատրաստել,
թանաքամանները
թանաք լցնել:

III. Դասամիջոցին
հետևել, վոր աշակերտները
դուրս գան բակը:

IV. Ծաղկամանները ջրել:

V. Դասերից հետո դասարանը կարգի բերել:

Դուք դասարանում կազմակերպություն ունեք:

7. Մեր որստետրից

Մենք վորոշեցինք դիտել ձմռան գալը:

Կենդանի անկյան հերթապահները պետք ե դիտեն
ու գրեն, թե՛

1. Յերբ ե առաջին ձյունը յեկել:

2. Յերբ ե սառել գետը:

3. Ի՞նչ թռչուններ են մնում ձմռանը մեզ մոտ:

8. Ընտանիքը



Չարիկին մի անգամ
հարցրին. «Ձեր տանե-
ցիք ո՞վքեր են»:

Նա յել պատասխա-
նեց՝ մեկ-մեկ մատը
ծալելով. — «Հայրիկս,
մայրիկս, տատիկս,
յերկու յեղբայրս՝ Կա-
րենն ու Գուրգենը, մեր
փիտն. հա՛, բիշ մնաց՝
մոռանայի, մեկ ել մեր
Բողարը: Ես ել յես», —

վերջացրեց Չարիկը՝ մի մատ ել ծալելով:

— Չարիկի պատասխանը ճիշտ ե:

— Ձեր ընտանիքի անդամներն ավելի յեն, թվեցեք:

9. Հոր ոգևականը

— Գիտե՞ս ինչ, հայրիկ, կամ դո՛ւ անտառ գնա
փայտի, յես տանը մնամ, կամ յես տանը մնամ, դու
գնա անտառ փայտի:

— Դուք ել եք այդպես ոգնում ձեր տանը:

10. Խեղոք հաշիւ

Մի տղա կանգնել եր փռան առջև ու ախորժակով նայում եր տաք-տաք բլիթներին:

Ներս է մտնում ու հարցնում.

— Ի՞նչ արժե բլիթը:

— Վեցը՝ հինգ կոպեկ:

— Վեցը՝ հինգ կոպեկ, հա՛մ ուրեմն հինգը՝ չորս կոպեկ, չորսն ել՝ յերեք կոպեկ, յերեքը՝ յերկու, յերկուսը՝ մեկ, իսկ մեկն՝ անփող: Մեկն ինձ հերիք ե՛ տվեք ինձ մեկը:

11. Հնարք

— Քնիր, բալիկս, քնիր, —ասում ե մայրը յերեխային, —հանգիստ քնիր:

Պառկեցնում ե, վոտքերը ծածկում ու գնում:

Հսում ե յերեխայի լացը: Շփոթված յետ ե գալիս:

— Ինչո՞ւ յես լալիս, բալիկս, ինչո՞ւ:

— Դիտամա՞ր եմ լալիս, վոր գիշերը, յերբ վերմակս ընկնի, լաց չլինեմ:

12. Կենդանի անկյուն

Մեր կենդանի անկյունում արկղների ու ծաղկամանների մեջ բույսեր կան, ծաղիկներ, փոքրիկ վարդի թուփ:

Մեծ, յերկար արկղում մենք զանազան սերմեր ենք ցանել. վանդակներում փոքրիկ թռչուններ կան:

Մի մեծ վանդակում ել նապաստակ կա: Այդ վանդակի մոտ միշտ խմբվում են աշակերտները:

— Առ կեր, ես քեզ կաղամբ, ես ել գազար, ի՞նչ ես վախենում, —ասում եյին աշակերտները:

Բայց նապաստակը յերկար ականջները ցցած միշտ դողում եր:

Կենդանի անկյան հերթապահը բույսերը պետք ե ջրի, վանդակները մաքրի, կենդանիներին կերակրի:

— Կենդանի անկյուն ունե՞ք դուք:

— Թե չունեք, կազմեցե՞ք:

— Դիտեցե՞ք բույսերը և կենդանիները ու գրի առե՞ք:

— Նկարեցե՞ք ձեր կենդանի անկյունը:

— Կավից նապաստակ, մուկ պատրաստեցե՞ք:

— Գունավոր թղթից նապաստակ, մուկ կտրեցե՞ք:

13. Ընտանի կենդանիներ յեւլ վայրի գազաններ

Ընտանի կենդանիներ են՝

Ձին, կովը, չեղը, գոմեշը, այծը, վոշխարը, խոզը, կատուն, շունը:

— Ուրի՞շ:

Վայրի գազաններ են՝

Գայլը, աղվեսը, արջը, սկյուռը, նապաստակը, բորենին:

— Ուրի՞շ:



Խ Ն Դ Ի Ր Ն Ե Ր

1. Ձեր տանը քանի՞ կով, ձի, յեղ և վոչխար կա:
2. Ընդամենը քանի՞ գլուխ կենդանի կա:
3. Քանի՞ հավ, բադ, սագ ունեք:
4. Ընդամենը քանի՞ ընտանի թռչուն ունեք:

1. Ձեր գյուղում քանի՞ կով կա:
2. Քանի՞ հորթ կա ձեր գյուղում:
3. Ընդամենը քանի՞ հորթ ու կով կա ձեր գյուղում:
4. Մի կովն որական ինչքան խոտ է ուտում:
5. Հինգ կովն որական ինչքան խոտ կուտեն:
6. Մի կովը հինգ որում ինչքան խոտ կուտի:

14. Ով ինչ է ուտում

Ո՞վ է խոտ ուտում.

— կովը, եղը, վոչխարը:

ե՛լ ո՞վ:

Ո՞վ է միս ուտում.

— Շունը, գայլը:

ե՛լ ո՞վ:

Հ Ա Ր Յ Ե Ր

1. Ի՞նչպես պետք է ձին ջրել:
2. Ի՞նչպես պետք է ձին թիմարել ու մաքրել:
3. Ի՞նչ գույնի ձիեր կան:
4. Մի ժամում ձին քանի՞ կիլոմետր է անցնում:
5. Մարդը մի ժամում քանի՞ կիլոմետր է անցնում:
6. Յերկու ժամում ձին քանի՞ կիլոմետր կանցնի:
7. Իսկ մարդը:
8. Դուք մի ժամում քանի՞ կիլոմետր եք անցնում:
9. Մարդը տասը կիլոմետր քանի՞ ժամում կանցնի վոտքով, ձիով:

1. Ձին վագում է, իսկ հծը:
2. Վորդը սողում է, իսկ ծիծեռնակը:

3. Մողեսը սողում է, իսկ ձուկը:
4. Ուրուրը թռչում է, իսկ մորեխը:
5. Կատուն մլավում է, իսկ ձին, կովը, խոզը, վոչխարը, շունը:
6. Խոզի ձագը գոճի յե կոչվում, իսկ ձիուհու, կովի՞նը, կատվի՞նը, շանը:



15. Բժշկի գրույցներից

I գրույց

Բժիշկը մեզ քննեց. շատերի մարմինը կեղտոտ էր: Բժիշկը մի կտոր ապակի յեր բերել — խոշորացույց. այդ խոշորացույցը դրեց մեր ձեռքերի վրա ու հարցրեց.

— Ի՞նչ եք տեսնում:

— Շատ ծակոտիներ. — պատասխանեցինք մենք:

— Այդ ծակոտիներից քրտինք է դուրս գալիս, — ասաց բժիշկը. — քրտինքի հետ մեր մարմնից վնասակար, կեղտոտ նյութեր են դուրս գալիս: Յեթե այդ ծակոտները կեղտոտ լինեն, վնասակար նյութերը կմնան մարմնի մեջ ու կթունավորեն:

Բժշկի այս զրույցից հետո մենք իմացանք, թե ինչո՞ւ պետք է մարմինը մաքուր պահենք:

II գրույց

— Յերեխեք, յես տեսնում եմ, վոր դուք չեք սիրում ուտելուց առաջ ձեռքներդ լվալ, — ասաց

բժիշկը. — պետք է լվացվել. ձեռքերով մենք հաց ենք վերցնում, դնում բերանը. յեթե ձեռքերը կեղտոտ են, փասակար միկրոբները մեր բերանն են մտնում ու ամեն տեսակի հիվանդություններ առաջացնում:

— Դուք հետևում եք ձեր դասարանի աշակերտների մաքրությանը:

— Ուտելուց առաջ լվացվում եք:

16. Մեր ճաշը

Հասավ ճաշի ժամանակը:

Մայրիկս կավե ահագին ամանը լցրեց թանապուրով ու մեջտեղ դրեց: Բոլորս շարվեցինք ամանի շուրջը, գդալները վերցրինք ու սկսեցինք ուտել:

Արտաշը գդալը ձեռքին՝ մտիկ եր տալիս ուտողներին, ամանն ու գդալները գննելով: Նա տեսնում եր, թե ինչպես պապիկի ու հայրիկի բեղերը թրջվում էյին ապուրով. ապուրը կաթկթում եր ամանի մեջ: Գդալներն ել լավ չեյին մաքրել. յերեկվա ապուրը չորացել եր վրաները: Արտաշի ախորժակը փակվում եր, չեր ուզում ճաշել. նրա վրա միշտ նեղանում էյին. անունն ել «կոտրատվող» էյին դրել:

— Լավ եր անում Արտաշը, վոր ընդհանուր ամանից չեր ուտում:

— Առողջապահական ե ընդհանուր ամանը:

— Առանձին ամաններում ուտելն ինչո՞վ ե լավ:

— Ձեր տանն ինչպես են ճաշում:

— Ձեր ամաններն ու գդալները մաքուր են լինում:

— Ինչո՞ւ պետք է մաքուր լինեն:

— Կեղտից ամեն տեսակի հիվանդություններ են առաջ գալիս մաքրություն պահպանեցեք:

17. Ի՞նչ ե անում մեր սանիտարը

Ամեն շաբաթ մեր դասկուր նշանակում է մի նոր սանիտար, վոր հսկում է մաքրությանը:

Հետևում է, վոր դասամիջոցներին լուսամուտը կամ ողանցքները բաց անեն, դասարանի փոշին և գրատախտակը թաց ջնջոցով մաքրեն. նա մեզ հիշեցնում է, վոր դասարան մտնելիս վոտքներս մաքրենք և դպրոցում մաքրություն պահպանենք:

Յերբ մեկը ձեռքն ե կտրում կամ մի տեղը փասում, սանիտարը ոգնություն ե ցույց տալիս, կապում կամ յող ե քսում:

Մեր սանյեռյակը պատերին պլակատներ ե կախարել. նրանց վրա առողջապահական կանոններ են գրված, նախասենյակում պլակատի վրա գրված է՝ Վոսներդ մաքրի՛ր:

— Սանիտար ունե՞ք դուք:

— Ի՞նչ ե անում նա:


— Դպրոցում մաքրություն պահպանում եք դուք:



18. Մրսեղու դեմ

Հենց վոր աշնան անձրևներն սկսվում էյին, մեր դասարանում հազ ու փոշտոց եր ընկնում. հարբուխն սկսվում եր:

Կարմրաթուշ Արմիկն եր միայն, վոր ծիծաղում
եր մեզ վրա. հարբուխը կամ հազելը չգիտեր ինչ
բան ե: Շատ խնդրեցինք,
պատճառը մեզ ասաց.



«Յես պիտներ եմ, մեր
հրահանգիչը մեզ մի քա-
նի պատվեր ե տվել. յես
կատարում եմ և չեմ հի-
վանդանում: Ահա այդ
պատվերները:

1. Վտտներդ չթրջես,
իսկ յեթե թրջվեց, շուտ
չորացրու:

2. Քրտնած դուրս չգաս փողոց: Զգուշացիր մի-
ջանցուկ քամուց:


3. Ամենագլխավորը՝ առավոտ ու յերեկո մինչև
գոտին մարմինդ սառ ջրով լվա: Առավոտը, յերբ լվաց-
վում ու շփվում ես սառ ջրով, աշխուժ ու զվարթ
ես դառնում:

— Հետևեցեք այս պատվերներին:



19. Ուրախ անեղ

Մենք ուրախացանք, վոր ձյուն ե յեկել: Սահ-
նակներ շինեցինք, վազեցինք՝ սարից գետափ սղղա-
լու: Սարից մինչև գետը մեկ եյինք սղղում:



Սահնակը դեռ չեյինք կարողանում քշել:

Պտտվում եյինք ու ամեն թմբից հետո գլխի-
կոնձի տալիս: Թրմփում եյինք իրար գլխի, վեր թըռ-
չում, ուրախ-ուրախ ծիծաղում:

— Զմեռը դուք ինչ եք խաղում:



20. Իմ սղոսանք

(Կարգալու յե ուսուցիչը)

Մեզ մոտ մալականներ են ապրում: Չմեռը նրանց յերեխաները տաք հագնվում են ու սարից սահնակներով սղոսում:

Յես ել սահնակ ունեյի, բայց իմը շատ կոպիտ եր ու ծանր, հազիվ-հազ սղոսում եր:

Նստում եյի վրեն ու վոտներս գետնին խփելով մի կերպ ներքև գնում: Իսկ են մալականների տղերքը գալիս եյին ու կայծակի նման կողքովս անցնում:

Կոլյա անունով մալականի մի տղա կար. նրա սահնակը բոլորից լավն էր:

— Կոլյա, — ասացի եղ տղին, — մի ցոլյց տուր քո սահնակը, տեսնեմ եղ ի՞նչպես ե շինած, վոր եղպես թեթև ե ու լավ սղոսում ե:

Ցուլյց տվեց, տեսա. բարակ, պինդ տախտակից եր շինած, տակիցն ել յերկաթ եր խփած:

— Ես յերկաթը վորտեղից ե, — հարցրի յես:

— Արկղի կողքերի թիթեղից ե, կոոպերատիվում շատ կա:

Տուն յեկա, յեղբորս հետ սկսեցինք շինել. մուլթն եր, վոր պրծանք:

Ել չհամբերեցի, դուրս յեկա սարը, նստեցի. մի գնաց, մի գնաց վոր. ի՞նչ Կոլյա, ի՞նչ Իվան, հազարը գային՝ յետևիցս չեյին հասնի:


— Իուք սահնակ ունեք:

— Սահնակ շինեցեք:

— Սահելու համար սար պատրաստեցեք:

21. Առափոտ

Արեգակը դուրս ե յեկել պսպղալով,
Շողքը յերդից ներս ե ընկել շողշողալով,
Ծիտը ծառին կըշկշում ե ծլվալով,



Չորում առուն քըշքըում ե վըշվալով,
Ծուլլ տղայի քունն ե տարել խըմուռալով,
Կոշիկները շունն ե տարել մըմուռալով:

22. Դասից ուշացող աշակերտը

— Ա՛րմիկ, վեր կաց, ուշ ե արդեն, — արթնացնում եր տղային մայրը:

Արմիկը վեր կացավ, լուսամուտից դուրս նայեց, տեսավ՝ ընկերները դպրոց են շտապում:

— Շո՛ւտ, մայրիկ, հանց տուր, ուշացել եմ:

— Բա չե՞ս ամաչում. մի լվացվի՛ր, յերեսդ մաքրի՛ր, մրի մեջ կորել ե. մազերդ չես սանրել:

— Փամանակ չունեմ, դպրոցից կուշանամ:

Արմիկը դպրոց վազեց. դասն սկսվել եր. աշակերտները նայեցին Արմիկին, ծիծաղները բռնեց:



— Տեսեք, տեսեք մի, Արմիկը վննց ե յերեսը մրոտել:

— Յերեսը նախշել ե, նախշել:

— Բա ձեռքերը:



— Դասերից հետո, — ասաց ուսուցիչը, — ժողով կանենք ու կվորոշենք, թե ինչպես կովենք անմաքրության և ուշանալու դեմ: Իսկ դու, սիրելիս, գնան նախասենյակ, յերեսդ ու ձեռքերդ լվա, սանրը վիր, հետո դասի յեկ, — ասաց նա Արմիկին:

Քիչ մնաց, վոր Արմիկը լաց լիներ: Բայց ինչ արած, ինքն եր մեղավորը, պիտի լուեր...

— Ձեր դասարանում ել դասից ուշանում են:

— Ինչպես եք կովում դրա դեմ:

— Ինչպես եք հետևում ձեր ընկերների մաքրությանը:


— Դպրոցում լվացարան ունեք, վոր խաղից հետո ձեր կեղտոտած ձեռքերը լվանաք:

23. Գրտատար սկանչների

Այսոր մեծ դասամիջոցին մենք ձնե մարդ եյինք շինում: Շատ եյինք ուրախանում: Ենքան մեծ եր, վոր ձեռքով գլխին չեյինք հասնում:

Մեկ ել Պողոսն ինձ ձայն տվեց.

— Արտուշ, Արտուշ, ահանջներդ բոլորովին սպի-



տակել են, ցրտատար են յեղել: Շուտ ձյունով շփիր:

Յես չլսեցի նրան. կարծում եյի ցուրտ կզգամ: Պողոսն ու Աշոտը վազեցին ինձ մոտ և առանց բան ասելու սկսեցին ձյունով ահանջներս շփել:

Յերկու բոպեյից հետո բաց թողին, ասացին.

— Լավ, անցավ: Ճարպ քսելու կարիք ել չկա:

Մինչև իրիկուն ահանջներս մրմռում եյին:

— Ձեր ահանջները ցուրտը տարե՞լ ե:

— Ինչ եք արել այդ դեպքում:

— Ճուրտը տարած ահանջները կամ ձեռքերը կարելի չե կրակին մոտեցնել:

— Ինչո՞ւ չի կարելի. հարցրեք բժշկին:

24. Ի՞նչ կխնդրեր գիրքը

Ուսուցչուհին այսոր ասաց մեզ.

— Գիտե՞ք, յերեխաներ, ձեր գիրքն ի՞նչ կասեր ձեզ, թե խոսել կարողանար: Նա կասեր.

— Կեղտոտ ձեռքերով ինձ չվերցնե՞ք:

— Մեջտեղից չծալե՞ք, կազմս կփշանա:

— Թերթերի անկյունները չծալձլե՞ք:

— Վոչինչ չգրե՞ք և չնկարե՞ք իմ մեջ:

Ուսուցչուհու ասածը մեզ շատ դուր յեկավ, և մենք վորոշեցինք գրքի բոլոր խնդիրները կատարել:

— Ի՞նչ կխնդրեր տետրակը:

— Ի՞նչ կխնդրեր նստարանը, սեղանը:

— Ի՞նչ կխնդրեր դասասենյակը, մատիտը, գրչակոթը, և այլն:

25. Քուրքը

Մի գյուղում յերկու վորք մանուկ կային, մեկը՝ իննը, մյուսը՝ տասը տարեկան: Յերկուսն ել ուղում էին կարգալ-գրել սովորել. բայց միայն մի քուրք ունեյին. ձմեռն ել շատ ցուրտ եր. ի՞նչ անեյին, յերկուսը միասին դրպրոց գնալ չեյին կարող:



— Գիտե՞ս ինչ, Մուկուչ, — ասաց մեծը:

— Ի՞նչ, — հարցրեց Մուկուչը:

— Արի եսպես

անենք. մի որ քուրքը յես հագնեմ, դպրոց գնամ,

մյուս որը՝ դու: Ինչ վոր յես սովորեմ, քեզ կպատմեմ, ինչ վոր դու սովորես, ինձ պատմի:

Այդպես ել արին:

Մի անգամ ուսուցիչը հարցրեց Պարույրին.

— Յեղբայրդ ո՞ւր ե, ինչո՞ւ դասի չի յեկել:

— Քուրք հագնելու հերթը իմն ե, — պատասխանեց Պարույրը:

26. Որատետրից

Այսոր ձյուն յեկավ:

Շատ, շատ, փափճկ, մաքուր:

Յերկրորդ դասից հետո մենք գնացինք բակը:

Չնագնդի խաղացինք:

Արաքսին, Մարոն ու Արամը ձնե մարդ շինեցին. մենք սկսեցինք ոգնել նրանց. մեծ ձնակույտը գլորելով մոտեցնում էինք ձնե մարդուն:

— Տեսե՞ք, տեսե՞ք, — ձայն տվեց Ապատը, — ձյունի տակ կանաչ խոտ կա:

— Ինչո՞ւ չի սառել. — հարցրինք մեր ուսուցչին:

— Վորովհետև ձյունով ծածկված ե յեղել:

— Դե, շուտ-շուտ ծածկենք. թե չե կմրսի, կսառչի, — ասաց Ապատը:

Խոտը ծածկեցինք ու ելի մեր խաղը շարունակեցինք: Չյունի վրա Ապատն ազուավի ձանկերի հետքեր գտավ. այդ հետքերով մենք իմացանք, թե ազուավը վոր կողմն ե գնացել:

— Չմեռը ձյունն ինչ նշանակութուն ունի բույսերի համար:



27. Վերսակը


Ձյունի բյուրեղներն ընկնում են գետին: Ծածկում են գետինը սպիտակ, փափուկ վերմակով: Ի՞նչ տաք է սերմերի համար հողում, ձյունե ծածկոցի տակ, այնտեղ չեն մրսի:

Կգա գարունը, ձյունի բյուրեղները կհալչեն, ջուր կդառնան:

Սերմերը ջուր կխմեն, ծիլեր կարձակեն: Խոտեր, ծառեր ու ծաղիկներ դուրս կգան:

28. Չվոսն եքսկուրսիան

— Յերեսեք, յեկեք եքսկուրսիա գնանք, — ասաց ուսուցիչը:



— Ամեն ինչ ձյունը ծածկել է, ի՞նչ պիտի տեսնենք, — հարցրեց մեկը:

— Մենք ել կերթանք հենց այդ ձյունը տեսնելու, — պատասխանեց ուսուցիչը: — Յերբ տուն դառնանք, ամեն մեկդ թող պատմի, գրի ու նկարի այն, ինչ տեսել է եքսկուրսիայի ժամանակ:

Բոլորս համաձայնեցինք, և ուսուցիչն ասաց, թե ինչ պիտի անենք և դիտենք եքսկուրսիայի ժամանակ.

1. Վո՞ր ձյունն է ավելի սպիտակ. ե՞ն, վոր նոր է յեկել, թե ե՞ն, վոր վաղուց է յեկել:

2. Ի՞նչ գույն է ստանում ձյունը հալչելու ժամանակ:

3. Չափեցեք ձյունի խորությունը պարտեզի դանազան մասերում ու իմացեք ձյունը գետնի վրա հավասար է նստած:

Մենք յերեք խմբակների բաժանվեցինք ու գնացինք: Ձյուն չափողները վերջացրին աշխատանքը և սկսեցին ճնազնդի խաղալ:

Դպրոց վերադառնալով մենք ձյունի բյուրեղներ նկարեցինք ու գրի առանք այն բոլորը, ինչ տեսել էյինք եքսկուրսիայի ժամանակ:



29. Ձյունը

Մենք վերցրինք ձյունով լիք բաժակը և դասարան բերինք: Ձյունը սկսեց դանդաղ հալչել. յերբ բոլորովին հալվել էր, մենք տեսանք, վոր բաժակը լիքը չեր, և ձյունից գոյացած ջուրը պղտոր էր:

Չուրը բաժակով միքանի որ մնաց դասարանում,
և մենք տեսնում եյինք՝ ինչպես նա ամեն որ պա-
կասում եր: Ուսուցիչը մեզ ասաց, վոր Չուրը գոլոր-
շիանում ե և ցնդում ողի մեջ:

30. Թռչունների սեղանը

I

Յուրտ ձմեռ եր: Չյունը ծածկել եր գետինը:

Թռչունները քաղցած, անհանգիստ թռչկոտում
եյին: Մանկատան յերեխաները սենյակի պատու-
հանից նայում եյին գուրս:

Սուրիկն ասաց.

— Յեկեք քիչ հաց տանք՝ ուտեն:

— Չե, յեկեք այնպես անենք, վոր նրանք ձմեռը
բոլորովին սոված չմնան,—ասաց Շողիկը:

— Ի՞նչպես,—հարցրին յերեխաները:

— Այ, յեկեք նրանց համար սեղան պատրաստենք:
Բոլորը համաձայնեցին:

II

Վերցրին մի լայն տախտակ, ծայրերին պարան
ամրացրին և բակի ծառից կախեցին:

Այդ տախտակի վրա հացի փշրանքներ շաղ տվին:
Ճնճողուկները վրա թափվեցին, կերան:

Դրանից հետո յերեխաներն ամեն առավոտ թռ-
չունների համար սեղան եյին պատրաստում, իսկ
թռչուններն ուրախ ծլվլալով գալիս ուտում եյին:

Այսպիսով նրանցից շատերը մահից ազատվեցին:

— Դուք ել թռչունների համար սեղան պատրաստեցեք:

— Կերակրեցեք նրանց. թռչունները մեր բարեկամներն են:



31. Մենակ կայրեւ

(Կարգալու յե ուսուցիչը)

— Պետք ե փախչեմ ձեզնից, մենակ ապրեմ,
մեն-մենակ,—բղավում եր, գոռում ութ տարեկան
կուվարար Պետիկը:

— Միշտ կռիվ ես անում. մի աստ տեսնեմ՝ մարդ-
կանցից հեռու վո՞նց ես ապրելու,—ծիծաղելով ասում
եր հայրը:

— Անտառում պտուղներ կուտեմ... քիչ փող ու-
նեմ... հաց կառնեմ...ասում եր Պետիկը:

— Ուրեմն մարդկանցից կառնես. հացը մարդիկ
են թխում. իսկ վոր ցուրտը սեղմի, ո՞ւր կգնաս, գայլի
բո՞ւնը կմտնես:

— Յես... յես... կգնամ կգնամ ելի,—կմկմաց
Պետիկը:

— Չե, առանց մարդկանց, սիրելիս, այս աշխար-
հում ապրել չես կարող: Դե լաց մի՛ վինի, արի խո-
սենք:

— Տեսնենք՝ ո՞վ քեզ համար ինչ ե արել. այ, ես
քո նոր կոշիկները վո՞րտեղից են:

— Կոշկակարն ե կարել,—չնշաց Պետիկը:

— Լավ. իսկ քո փայտե ձի՞ն:

— Վարպետ Սիրաքն ե շինել:

— Այ, յերկու մարդ արդեն քեզ համար աշխատել
են: Հիմա շուրջդ նայի՛ր. յես իրերի անուռները տամ,

Իսկ դու ասա, թե վոր արհեստավորն ինչ է շինել,
կամ վոր իրը գործարանից է դուրս յեկել:

Պետիկը լացը մոռացավ: Հոր ասածը դուր յեկավ
նրան:

Յերկու մեծ յեղբայրներն էլ մոտեցան ու սկսե-
ցին խոսել, թե վոր իրը ո՞վ է պատրաստել:

— Դուք էլ փորձեցեք իմանալ՝ ձեզ շրջապատող իրերն ո՞վքեր
են պատրաստել:

— Ինչո՞վ են պատրաստել:

— Ինչի՞ց են պատրաստել:

— Երսկուրսիա կատարեցեք մոտակա հյուանոցը, դարբնոցը և
ուրիշ արհեստանոցներ:




32. Իմն է

Վարդանի ու Սուրիկի ծնողները մահացան. յերե-
խաները տեղ չունեյին ապրելու. նրանց մանկատուն
տարան: Մանկատան ակումբում մի մեծ փայտե ձի
կար: Սուրիկն ու Վարդանը վրա ընկան ձիուն.

— Ի՞մն է, ի՞մն է ձին, — ասում էր Սուրիկը:

— Չէ, ի՞մն է, — խլում էր Վարդանը:

Իսկ մյուս յերեխաները կանգնել ու ծիծաղում
էյին սրանց վրա:



— Ե՛յ, խելացիներ, ձին վոչ մեկինդ է, վոչ էլ
մյուսինը. ձին բոլորինս է: Մենք իմն ու քոնը չու-
նենք. մեզ մոտ ամեն ինչ բոլորինս է:

— Երսկուրսիա կատարեցեք մոտակա մանկատունը, ծանոթա-
ցեք սաների կյանքին:



33. Հայրը յեւ վորդիները

Հայրը խրատում եր վորդիներին, վոր նրանք սիրով ապրեն. բայց վորդիները չեյին լսում: Հայրը մի խուրճ ճիպոտներ կապեց, ասաց վորդիներին.

— Ո՞վ կկտորի այս խուրճը:



Վորդիները մեկ-մեկ փորձեցին, չկարողացան: Հայրն արձակեց ճիպոտները և ասաց.

— Մեկ-մեկ կտորեցէք:

Տղաները մեկ-մեկ կտորեցին բոլոր ճիպոտները: Այն ժամանակ հայրն ասաց.

— Դուք ել նման եք այս ճիպոտներին. յեթե միասին ու սիրով ապրեք, ձեզ վոչվոք չի հաղթի. իսկ յեթե կովեք ու բաժան-բաժան սպրեք, ամեն մարդ ձեզ կարող ե հաղթել:

— Դուք ինչպես եք կարծում, մարդիկ պետք ե միանան, թե վոչ: Ինչո՞ւ:

— Ի՞նչ միություններ գիտեք դուք:



34. Յեղեպնիկ

Ձմեռ ե: Բոլոր ծառերը տկտր՝ տխուր անտառում դողում են, մրսում: Յեղեպնիկ միայն, կանաչով գուգված, ամուր կանգնել ե ցուրտ քամու դիմաց:

— Ել վոր ծառերն են ձմեռը կանաչ լինում:




35. Ամեն մեկն աշխատում ե բոլորի համար

1. Դարբինն աշխատում ե դարբնոցում, գերան-



դիներ, մանգաղներ, խոփեր ե պատրաստում գյուղացիներին համար:

2. Գործարաններում աշխատում են բանվորները: Նրանք պատրաստում են կտորեղեն, կաշի և տեսակ-տեսակ մեքենաներ:




3. Հողագործ գյուղացին աշխատում է դաշտում: Աշնանը վոսկեհատ ցորենը շրաղաց է տանում, ալյուր անում, քաղաք է բերում: Քաղաքի բանվորներն առանց գյուղացու հացի ապրել չեն կարող:




4. Գյուղացին ծախում է ցորենը, շակալից պնտում է կտորեղեն, վոտնաման, գործիքներ: Նա յեւ առանց քաղաքի բանվորների ապրել չի կարող:

Գյուղացին պետք է բանվորին, բանվորը՝ գյուղացուն:

5. Այս գրքի վրա աշխատել են գրաշարներն ու տպագրողները:



6. Ուսուցիչն աշխատում է դպրոցում, վոր յերեխաները գրագետ դառնան: Յերեխաները սովորում են, վոր մեծանան, աշխատավորներ դառնան:



Բոլորն աշխատում են:


Ամեն մեկն աշխատում է բոլորի համար:

- Նկարեցեք դարբնի աշխատանքը:
- Նկարեցեք գյուղացու աշխատանքը:



36. Ի՛նչ կարող ես անել կողեկտիվը


Ձմեռ եր. շուտով ձյուն պիտի գար: Լեիկի մայրը հիվանդ եր: Արմիկը տեսնում եր, վոր Լեիկը հաճախ դասի չեր գալիս, դասերը չեր պատրաստում, փայտի յեր գնում: Հավաքեց ընկերներին ու ասաց.
— Լեիկը հայր չունի, մայրն ել հիվանդ պառկած ե: Մենակ յերբ պիտի կարողանա ամբողջ



ձմեռվա փայտը բերել: Յեկեք կողեկտիվով ոգնենք:
— Գնանք, գնանք,— ձայն տվին պիոներները:
Հենց նույն որը ճաշից հետո նրանք խմբով անտառ գնացին, հավաքեցին չորացած ճյուղերը, կապեցին ու շալակներն առած՝ Լեիկենց տունն յեկան: Այսպիսով կողեկտիվը յերեք որում ահագին փայտ հավաքեց:
Սրանից հետո Լեիկը վոչ բացակայում եր և վոչ ել անպատրաստ դասի գալիս:

— Ի՛նչ կողեկտիվ աշխատանք եր արել դուք:

— Ձեր ընկերներից վո՛րին կարող եք ոգնել չէր աշխատանքով. ոգնեցեք նրան:
— Ձեր գյուղացիք ի՛նչ կողեկտիվ աշխատանքներ են արել. առու փորել, ճանապարհը նորոգել:



37. Քաջ տղան

Մանուկների խումբն ուրախ-ուրախ դպրոց եր գնում:
— Հապա ո՞վ ինձ կրունի,— ձայն տվեց Աշոտն ու սկսեց արագ վազել:
— Յե՛ս, յե՛ս... ձայն տվին մյուսներն ու վազեցին Աշոտի յետևից:
Հանկարծ դարպասից դուրս վազեց մի շուն ու նետավեց դեպի վազող յերեխեքը:
Բոլորը պուկ յեկան ու փախան. միայն փոքրիկ Հայկը կանգ առավ, մատը թափ տվեց ու քնքուշ կերպով ասաց.
«Կո՛տիկ, կո՛տիկ, տե՛ս, չկծես ինձ հա՛, չկծես»:
Շունը կանգ առավ ու դադարեց հաջելուց: Հետո պոչը ճոճեց, մոտեցավ Հայկին ու քամրավեց նրան: Հայկը շոյում եր շանը: Պայուսակից հանեց մի կտոր հաց, գցեց շանը և վազ տվեց վախկոտ ընկերների յետևից, վոր փողոցի մյուս ծայրին կանգնած՝ մտիկ եյին տալիս:

— Նկարեցեք այս տեսարանը:


38. Գայլերի փտանգը

Մեր գյուղի մոտ գայլեր եյին յերևացել: Ենքան ել շատ եյին:

Ամեն որ փորձանք եր պատահում: Մի որ հորթ եյին տանում, մի որ վոչխար:

Պառափները մի լաց եյին դրել, մի լաց:

— Բա ամոթ չի, թվանքներդ առել եք ու նստել: Գելերը մեր տունը քանդեցին:



Վննց եյինք ամաչում:

Մի որ հավաքվեցինք, փորսի գնացինք: Մենք տա-
սը հոգի եյինք, քսան հոգի յել ուրիշ գյուղերից յե-
կան:

Եդ որը Հակոբի եշը սատկել եր. քաշ տվինք,
տարանք, գեղի զրադը մի այգու մեջ դրինք, թագ
կացանք:

Նոր եր սկսել մթնել: Սասաիկ ցուրտ եր: Մին ել
հանկարծ գելի փոռնոց լավեց, հետո մի ուրիշինը ու
մեկ-մեկու յետևից գելերը յեկան, եշի դիակին վրա
պրծան:

— Տղերք, ժամանակն ե,— հրացաններդ պատրաս-
տեցեք,— ձայն տվի յես:

Գազանների աչքերը մթան մեջ փայլ եյին տա-
լիս:

Հրացանները մեկ-մեկու յետևից լցնում եյինք
ու կրակում:


Առավոտը 14 գելի լեշ հավաքեցինք, սելը դար-
սեցինք ու յեկանք գյուղը:

Պառափներն ել յերեսով չեյին տալիս:



39. Հագուստը

Մարդը ձմեռվա ցրտից պաշտպանվելու համար
բրդից թելեր մանեց և շոր գործեց, ամառվա զգես-



տի համար մարդն ոգտվեց վուշի և կանեփի թելե-
րից:

Աշխատանքը ձեռքերով դանդաղ եր կատարվում:
Մարդն սկսեց մտածել, հնարեց կտորներ գործելու
մեքենա, վորը այժմ մեզ համար ամեն տեսակի
կտորեղեն ե պատրաստում:

- Հագիդ շապիկն ինչիցն ե:
- Ձեր գլուղում կտորներ գործում են:
- Ինչից են գործում:
- Ձեր գլուղում բամբակ կամ կանեփ ցանում են:
- Պատմեցեք, թե ձեր գլուղում ինչպես են հագնվում:



40. Ճախարակ

Մանիր, մանիր, իմ ճախարակ,
լիսեռնիկդ պտտիր.
մանիր թելեր հաստ ու բարակ,
իլիկիդ վրա փաթաթիր:
Ձեթ եմ ածել ականջներդ,
նոր շինել եմ շրտվիկ,
դեհ, շուտ շարժիր լայն թևերդ,
վոստեր շինիր սուրուլիկ,

- Ձեր գլուղում ճախարակ գործ են ածում:
- Ուրիշ ինչով են թել մանում:
- Ինչ են գործում թելից:
- Ել ինչով կարելի չե կտոր գործել:
- Եքսկուրսիա կատարեցեք դեպի մոտակա շուկականոցը,
կտորի գործարանը, ծանոթացեք նրանց աշխատանքին:

41. Կոոպերատիվը

Մեր դպրոցի կոոպերատիվի ամբողջ ապրանք-
ները տեղավորված են մի փոքրիկ արկղում:

Առավոտը այդ արկղը դնում ենք նախասենյակը
ու աշակերտներին գրենական պիտույքներ ծախում:

Դասերից հետո արկղը դնում ենք ուսուցչի սե-
նյակը:


Ապրանքները մեզ գյուղի կոոպերատիվն ե տա-
լիս եժան գներով. մենք ել քիչ ոգուտով ծախում ենք
աշակերտներին: Ստացած ոգուտով անդամագրում
ենք մեր չքավոր ընկերներին, նրանց տետրակ և ուրիշ
պիտույքներ տալիս:

Մենք եքսկուրսիա գնացինք հարևան գյուղը՝
յոթնամյակի կոոպերատիվը տեսնելու:

Այ, այնտեղ գործը շատ կանոնավոր եր: Կոոպե-
րատիվին մի ամբողջ սենյակ են տվել: Պահարաններ
կան. կանոնավոր հաշիվ են պահում:


Վերադառնալիս ճանապարհին խոսում եյինք, թե
ինչպես անենք, վոր մեր կոպերատիվն ել մեծա-
ցնենք ու կարգի բերենք:

- Կոոպերատիվ ունեք դպրոցում:
- Կապ հաստատեցեք մյուս դպրոցների կոոպերատիվների
հետ:



42. Գյուղի առուտուրը

Կեղտոտ, աղքատ գյուղ եր մեր գյուղը: Այդ գյուղում միայն մի լավ քարաշեն, յերկու հարկանի տուն կար, դուքանչի Հաթամի տունն եր այդ: Վերե-



վի հարկում ինքն եր ապրում, իսկ ներքևում իր խանութն եր:

Ես խանութում ել հոտած ապրանք, ել փտած չիթ չկար, վոր չծախեյին գյուղացիների վրա:

Հեղափոխությունը յեկավ:

Մեր գյուղի կյանքը փոխվեց:

Գյուղացիք փայտ ստացան. շենքերը նորոգեցին, իրանք կարգի ընկան, դուքանչի Հաթամի տան կողքին կոոպերատիվ շինեցին, ապրանքով լցրին:

Գործը լավ գնաց. գյուղացիք Հաթամի խանութը ել վոտ չդրին:

— Ես կոոպերատիվը շինեցինք, հիմա յել դըպ-

րոցի շենքը կսկսենք, հետո յել ելեկտրոկայանը, —
ասում եյին գյուղացիք:

Խանութպան Հաթամի գործերը թարսվեցին, տունն առանց վերանորոգման քոսոտվեց. իրա ձայնը փորն ընկավ. իսկ նրա չաղ կինը՝ Յեղիսաբեթը լղարեց, չոփ դարձավ: Ել են առուտուրը չկար, ել համով կերակուրները չկային:

— Ձեր գյուղում կոոպերատիվ կա:

1. Համեմատեցեք կոոպերատիվն ու մասնավոր խանութը:
2. Եքսկուրսիա գնացեք դեպի կոոպերատիվ:
3. Ի՞նչ ապրանքներ են ծախում կոոպերատիվում:
4. Գրեցեք ապրանքների անունները:



43. Գյուղից քաղաք

(Կարգալու յե ուսուցիչը)

— Եգուց գնում եմ քաղաք, — ասաց գյուղացի Գասպարը Լևոնին, — կարտոֆիլ, քյալամ եմ տանում: Մաղին ու Սաքոն անիվ ու սոնի յեն պատրաստել, նրանք ել են գալիս. ուզում ես, արի միասին գնանք:

— Հա, յես ել ածուխ եմ տանելու, փողի պետք ունեմ: Քանի ճանապարհը բաց ե, գնանք, թե չե հետո ուշ կլինի:


— Հայրիկ ջան, մեզ համար քաղաքից նոր գրքեր և Լենինի պատկերը կբերես:

— Գասպար, թեքը չմոռանաս. հայրիկ, սանդըը լափս առ,— պատվիրում եյին ամեն կողմից:

Յերկար ճանապարհ անցան, հասան Յերևան. բերածը ծախեցին, կոտպերատիվից առան կոշիկ, գրվխարկ, չիթ ու շալ, վեդրո, լամպ—ամեն ինչ: Պետհրատի խանութից իրենց ուզած գրքերը, նկարներն առան: Գասպարը տեսավ որացույցը, չհամբերեց:

— Ես ել առնեմ. տանը չորս սովորող կա. թանգ ե, բայց ինչ արած, առնեմ, յերեխեքը շատ կուրախանան:

- Ձեր գյուղից ինչ են տանում քաղաք ծախելու:
- Քաղաքից ինչ են բերում ձեր գյուղը:
- Քաղաքն առանց գյուղի և գյուղն առանց քաղաքի կարող են ապրել:
- Ինչո՞ւ չեն կարող:




44. Եարժվող տունը

Յերբ պապս առաջին անգամ վերադարձավ կայարանից, գարմացած պատմում եր գնացքի մասին:

— Ամենից առաջ՝ նա իր գնալու ժամանակն ունի. քեզ յերկու անգամ զանգով կանչում ե. ուշացար—ուրեմն կմնաս:

Ուզածդ ժամանակ չես կարող ցած կշնել. դու պետք ե իրեն հարմարվես. կանգնեց՝ կիջնես. չե՛ հետը կգնաս:

Վոչ ձի յե քաշողը, վոչ յեզ. վոչ ուտել կուզի, վոչ հանգստանալ. հարկավոր ե միայն վառել և առատ ջուր տալ:



Սա մի շարժվող տուն ե. վազում են իրար յետևից սենյակները, մեկը մյուսին քաշում, միասին շարժվում, միասին կանգ առնում. վայ թե մեկը հերթից դուրս յեկավ.— կմնա:

Ես քաղաքում աչքդ խփում ես, բաց ես անում,— մի ուրիշ քաղաքումն ես:


Առաջ յեթե յերեք ուրում եյիր գնում, հիմա կես որն ել բավական ե: Միայն չհասկացա, թե ինչո՞ւ մեկ-մեկ ձենը գլուխն ե գցում ու գոռում, սուլում, սար ու ձոր թնդացնում:

- Գնացք տեսել եք դուք:
- Պատմեցեք ձեր տպավորությունները:

— Ինչո՞վ ավելի արագ կարելի չե՞ գնալ—գնացքո՞վ, ձիո՞վ թե՛ վոտքո՞վ:

— Գնացք նկարեցե՞ք:

— Եքսկուրսիա գնացե՞ք մոտիկ կայարանը:




45. Ելեկտրականություն

Մեր տանն ել ելեկտրական թելեր անցկացրին, տանձի նման մի շուշա կախ տվին:

— Այ, կտեսնե՞ք, թե ի՞նչ լույս կլինի,—ասաց թելերն անցկացնող յերիտասարդը:

— Բանի՞դ կաց, խելքի տոպրակ,—ասաց մեր պապին.— ո՞վ ա տեսել, վոր շուշե տանձը լույս տա. Գնա՛, բո պապին եդ բանը հավատացրո՛ւ:



Յես ել չե՞յի հավատում: Վո՞նց թե՛ վո՞չ նավթ ե պետք, վո՞չ ել լուցկի:

Մթնեց: Հայրիկս պատին մոտեցավ. մի բան վորեց, մեկ ել ի՞նչ տեսնենք՝ տունը լուսավորվեց,

են ել վո՞նց. ո՞վ եր տեսել ենպես պայծառ լույս:
— Տեսա՞ք. այ, թե ի՞նչ են հնարել գիտնականները: Համ լավ լույս ե տալիս, համ ել մուր չունի:


— Ձեր գյուղում ելեկտրականություն կա՞:

— Իմացե՞ք ուսուցչից՝ ելեկտրականությունն ի՞նչ ոգուտ ե տալիս:

46. Կարմիր բանակի տարեդարձը

Հսկեց յերաժշտության ձայնը:

— Գալիս են, գալիս:



— Կարմիր-բանակայի՞ններն են գալիս:
Այսոր Կարմիր բանակի տարեդարձն ե:

Բոլորը դեպի լուսամուտներն են վազում. փո-
ղոց են դուրս գալիս:

Ահա կարմիր հրամանատարը մոխրագույն ձի
նստած. նրա յետևից գնում են յերաժխտները:

Ինչքան մեծ թմբուկներ, ինչ պսպղան փողեր:
Ահա և զբոշակը: Դրոշակի յետևից գնում են զին-
վորները: Ամեն մի շարքում ութ զինվոր է գնում:
Հավասար քայլերով են անցնում:

Յերաժխտությունը լռեց:

Առաջնորդը նշան տվեց. նրանք սկսեցին յերգե-
իրենց սիրած յերգը.

„Անվախ կռիվ կերթանք
բուրժուալի դեմ“...

- Կարմիր բանակ տեսել եք դուք:
- Ձեր գլուղում կարմիր բանակից վերադարձած գլուղացի-
ներ կան:
- Իմացեք նրանցից կարմիր բանակի մասին:
- Յեթե ձեր գլուղում կամ քաղաքում կարմիր-բանակային-
ներ կան, եքսկուրսիա գնացեք նրանց մոտ, ծանոթացեք նրանց
կյանքին և աշխատանքին:



47. Ո՞վ է Լենինը

Առաջ մեզնում Խորհրդային իշխանություն
չկար: Բոլորին թագավորն էր կառավարում: Գեներ-
ալներն ու հարուստներն ոգնում էին թագավորին:



Բանվորները շատ վատ էին ապրում. առավո-
տը շուտ գործարաններն էին գնում ու այնտեղ 12
ժամ աշխատում, իրիկունը շատ ուշ տուն էին
գալիս՝ հոգնած, քաղցած:

Հարուստները լավ զարգարված տներում եյին ապրում ու վոչինչ չեյին անում: Իսկ բանվորներին աշխատանքի համար շատ քիչ փող եյին վճարում, հազիվ ցամաք հացի յեր ոգտում:

Ծանր եր բանվորների գրությունը:

«Ինչո՞ւ բան չանողը լավ ե ապրում, իսկ աշխատողը քաղցած մնում», — հարցնում եյին նրանք:

Յե՛վ բանվորներն սկսեցին կռվել այն բանի համար, վոր բոլորն աշխատեն, վոր գործարանները պատկանեն վոչ թե հարուստներին, այլ աշխատող մարդկանց:

Այն մարդիկ, վոր կռվում եյին աշխատավորների համար, հեղափոխականներ եյին կոչվում, իսկ հեղափոխականների առաջնորդը Լենինն եր:

* * *


Նա ասում եր բանվորներին ու գյուղացիներին.

«Դուք վոչ թե հաց պետք ե խնդրեք թագավորից ու հարուստներից, դուք պետք ե զենք վերցրած գուրս գաք թագավորի ու հարուստների դեմ»:

Բանվորները հասկացան, վոր պետք ե միանան և գյուղացիների հետ կռվեն հարուստների դեմ:

Հոկտեմբերյան հեղափոխության ժամանակ նրանք վռնդեցին հարուստներին և բանվորների ու գյուղացիների իշխանություն հիմնեցին, վորը Խորհրդային իշխանություն ե կոչվում:

Այդ իշխանության առաջնորդ նրանք ընտրեցին Լենինին:



48. Պետյայի գրուսակքը

Իմ հայրը շոֆֆեր եր՝ Նա Լենինին եր ման ածում ավտոմոբիլով:

Մի անգամ յես կանգնած եյի մեր տան մոտ ու նայում եյի ավտոմոբիլին: Հայրս ավտոմոբիլում նստած սպասում եր Լենինին:

Յես կպա հորս, թե՛ ինձ ման ածա: Հայրս ասաց.



— Չի կարելի. շուտով Լենինը գալու յե. քիչ հետո Լենինը դուրս յեկավ և ուղեց ավտոմոբիլ նստի, ինձ նկատեց, ասաց.

— Ո՞ւմ տղան ես:

— Իմն ե, — ասաց հայրս:

— Անունդ ի՞նչ ե:

— Պետյա:

— Դե, նստի, Պետյա, ավտոմոբիլով ման գանք:

— Ե՛, վլադիմիր Իլյիչ, արժե՞ դրա հետ ժամանակ կորցնել, — ասաց հայրս:

Յես կարծում եյի, թե Լենինը կատակ ե անում, տեղս կանգնած եյի:

— Դեհ, շո՞ւտ, Պետյա, թե չե շտապում եմ. — բռնեց ձեռքս, նստեցրեց ավտոմոբիլը՝ իր կողքին:


Ավտոմոբիլը գնաց:

Յերբ մենք հասանք հրապարակին, Լենինը ինձ իջեցրեց ու ասաց.

— Նո՛ւ, Պետյա, վազիր տուն:

Յես վազեցի տուն ու մորս ասացի.

— Լենինի հետ ավտոմոբիլով ման յեկա. հետո յել պատմեցի իմ բոլոր ընկերներին: Վո՛նց է յին նախանձում:



49. Աշակերտի որատետրից

Հունվարի 21

Ի՞նչ է պատահել. ինչո՞ւ այսոր դասարանը լուռ է: Աշակերտները քիչ են յեկել: Վո՛չ. բոլորն էլ յեկել են: Խուճբ-խուճբ քաշվել են անկյուններն ու կամաց քշփշուճ են, Լենինի մասին են խոսում:

Վոչվոք չեր հավատում, թե Լենինը մեռել է: Ժամը տասին դասարանները գնացին: Բացի Լենինից ուրիշ բանի մասին խոսել չեյին ուզում: Ժամը 12-ին հավաքվեցինք դահլիճ:

Նրանց պատմեցին, թե Վլադիմիր Իլյիչը վորքան է աշխատել, վորքան է կռվել, պայքարել հարուստների դեմ, թե նա ինչ է արել բանվորներին ու գյուղացիներին ազատագրելու համար:

50. Մեր պսակը Լենինին

(Մոսկվայի մանկատան սանի պատմածը)


Յերբ մենք լսեցինք, վոր Լենինը մահացել է, վորոշեցինք նրա համար պսակ հյուսել:

Յերկար աշխատեցինք, և հունվարի քսանվեցին, շաբաթ որը պսակն արդեն պատրաստ եր:

Յերեք տղա, յերեք աղջիկ ընտրեցինք, վոր պսակը տանեն:

Յես էլ վեցի մեջն էյի:

Այդ որը շատ ցուրտ եր. տանից դուրս գալն անհնար եր. բայց վորոշեցինք՝ ինչ էլ լինի, Լենինի պսակը տանենք:




Արագ-արագ գնում էյինք: Բայց յերբ մոտեցանք շենքին, ուր դրած եր Լենինի դագաղը, կանգնեցինք. շատ-շատ մարդ կար, հերթով էյին թողնում:

Սկսեցինք խնդրել, և մեզ առանց հերթի ներս թողին:

Մեր առաջից տանում եյին մի մեծ ու գեղեցիկ պսակ: Ի՞նչ վատ ու խղճուկ էր մեր պսակը: «Յերևի շեն ընդունի»,— մտածում եյինք մենք:

Բայց յերբ հասանք Լենինի դագաղին, հերթապահը մեր պսակը դրեց Լենինի վոտների տակ, իսկ այն մեծ պսակը մյուս սենյակը տարան:

Մենք անցանք Լենինի դագաղի մոտով. նրա դեմքը շատ գունատ էր, կրծքին կարմիր շքանշան կար: Մենք անցանք, իսկ մեր յետևից բանվորները գալիս եյին ու գալիս:



51. Լենինի քաղառնը

(Մոսկվայի մի տղայի պատմածը)

Այսօր թաղեցին Վլադիմիր Իլիչին:



Յես շատ եյի ուզում թաղմանը ներկա լինել: Շատ վաղ արթնացա ու գնացի՝ հրապարակը:

Այն շենքի մոտ, ուր դրած էր Լենինի դագաղը, շատ մարդ կար:

Որը ցուրտ էր. յես միջանի անգամ յեկա տուն, տաքացա ու վերադարձա:

Լենինի դագաղն ուսերին՝ բանվորների շարքերը շարժվեցին դեպի կարմիր հրապարակը: Թաղման մարշն եյին նվազում:

Ժամը 4-ին դագաղն իջեցրին դամբարանը:

Սուլիշները սուլում եյին, թնդանոթները կրակում: Ամբողջ Խորհրդային յերկրներում 5 րոպե դադարեց ամեն մի շարժում:


Խորհրդային յերկրների բանվորներն ու գյուղացիները թաղում եյին իրենց ամենասիրելի ու սոււցիչին, ամենալավ բարեկամին:



52. Հունվարի 9-ը

Մեզնից տարիներ առաջ թագավոր կար: Նա յեր յերկիրը կառավարում: Բանվորները շատ վատ եյին ապրում՝ սոված, մերկ, առանց ուսումի: Բայց շեյին հասկանում, վոր թագավորն է բոլորի պատճառը, այնպես գիտեյին, թե նա բոլորի հայրն է: Այդպես սովորեցրել եյին նրանց տերտերներն ու տիրացուները: Որեցոր սովը սաստկանում էր, Ի՞նչ ունեյին. պետք էր գնալ թագավորի մոտ, ցավերը պատմել:

Նրան, վոր մի ճար անի: Բանվորները վերցրին սրբերի
 ու թագավորի պատկերները ու խմբով շարժվեցին
 դեպի թագավորի պալատը:



Բայց ի՞նչպես ընդունեց թագավորը:


Նա ուղարկեց իր զորքն ու հրամայեց կրակել
 ժողովրդի վրա: Բանվորները զարմացան: Այդ որը
 շատ բանվորներ, կանայք ու յերեխաներ սպանվե-
 ցին: Բանվորները նոր հասկացան, վոր թագավորն
 իրենց թշնամին է և վոչ թե հայրը, ու սկսեցին
 ատել նրան:



53. Վերջին փաթիլները

Չարածճի ու կովարար
 փաթիլները պաղ ճյուղի
 ուրախ խաղում, գարկում իրար,
 հրհրում են մին-մինի:

Ապա հոգնած իջնում գետին,
 գրկրվում են իրար հետ
 ու ջուր կտրած, յերգով ուժգին
 առաջ վազում դեպի գետ:



54. Անցան

Հեյ ջան, անցան
 բուք ու բորան,
 ձմեռ պապին

ճյուղի հետ.
 հոմն է խաղում
 սրա ու դաշտում,
 որը պայծառ,
 բուրավետ:

Հրես կգան
 շարան-շարան
 նախշուն հավքեր
 յերգեցիկ.





դաշտ ու անտառ,
այգի ու սար
շոր կհագնեն
գեղեցիկ:



55. Չնծաղիկ

Սառը ձյունի
սառը գրկում
մի ծաղիկ է
ծյում, ծաղկում՝
թերը քնքուշ,
թերը սպիտակ,
աչիկները
բաց-կապուտակ:


Չյուն ու ծաղիկ...
այ բեզ դարմանք.
ձյուն ու ծաղիկ
ունեն մի կյանք.
դա ձմեռվան
մի ծաղիկ է.
ձյունից ծնված
ձնծաղիկ է:



56. Գարուն

(Կարգալու չե ուսուցիչը)

Կյանքն աղմկում էր, ուրախություն էր:
Ծանր ձմեռն անցել էր, ցուրտը կորել. յեկել
էյին գարնան տաք որերը:



Մենք շատ էյինք ուրախ. ձմռան ծանր շորերը
դեն գցեցինք, սկսվեցին գարնան խաղերը. դպրո-
ցում մեր աշխատանքները փոխվեցին. մեծ աշա-
կերտներն զբաղվեցին մեր դպրոցի հողամասով:
Մենք ել քարերը մաքրեցինք, մեզ համար մի ան-
կյուն վերցրինք. մարգերը սարքեցինք, աշխատան-
քը շատացավ: Ամեն մի խումբ իր գործն էր կա-

տարում, ամեն մի խումբ աշխատում էր իր ան-
կյունն ավելի լավ կազմակերպի:

Տան գործն էլ էր շատացել. խոտը հատել էր,
անասուններին հանդն էյինք տանում:

Փեթակների առաջ ծաղիկներ ցանեցինք: Մեր
դպրոցը պատրաստվում էր տոնելու ծառատունկի
որը:

Մեր կենդանի անկյունում մենք լողունգներ
կպցրինք.

«Ամեն մի աշակերտ մի ծառ տնկի»:

«Պիոներ, յերկու ծառ տնկիր»:

«Տնկեցիր— ջրի, խնամիր»:



57. Յե՞րբ ե լինում

Ձյունն ե հալչում,
խոտը կանաչում,
ծաղիկը ծաղկում,
որը յերկարում:

Այս յերբ ե լինում:




58. Ի՞նչ պետք ե դիտել գարնանը

I. Գետք

1. Նշանակեցե՞ք՝ յերբ ճեղքվածքներ յերևացին
ձեր գետի սառուցի վրա:

2. Ճանապարհների վրա յերբ սկսեցին առվակ-
ները խոխոջալ:




II. Թռչուններ

1. Դիտեցե՞ք՝ ձյունից ազատված տեղեր կան:
Թռչուններ կան այնտեղ: Ի՞նչ թռչուններ են:

2. Նկարեցե՞ք նրանց:

3. Դիտեցե՞ք և նշանակեցե՞ք որացույցներում



արագիլների, կռուսկների, սարյակների, հոպոպների
գալու ժամանակը:

III. Բույսերն ու միջատները

1. Ամենից շուտ ձյունը վճռաբեկ հալվեց:

Ի՞նչ տեսաք ձյունի տակ:

2. Դիտեցեք՝ ի՞նչ միջատներ են թռչում ուռե-

նու շուրջը:

3. Նշանակեցեք՝ յե՞րբ դուրս յեկան ուռենու
առաջին տերևները:

4. Վորոնեցեք գարնան առաջին ծաղիկներն ու



բույսերը և նկարեցեք (ձնծաղիկ, սիբեխ, թելուկ,
ալելուկ, ծնեբեկ, յեղնջնուկ):


5. Չափեցեք ծառի վորևե ձյունը գարնանը,
ամառը և աշնանը:

6. Նշանակեցեք՝ յե՞րբ առաջին անգամ տեսաք
մեղու, իշամեղու, թիթեռ, մայիսյան բզեզ, բզեզ:
Նկարեցեք սրանք:

IV. Պարեգ, բանջարանց ու դառ

1. Նշանակեցեք՝ յե՞րբ են ծաղկում խնձորենին,
տանձենին, սալորենին, բալենին, կեռասենին, և թե
ի՞նչը շուտ յերևաց—ծաղիկը թե տերևը:

2. Դիտեցեք՝ նույն բողբոջներից են դուրս գա-
լիս ծաղիկներն ու տերևները, թե տարբեր բողբոջ-
ներից:




3. Գրեցեք՝ յե՞րբ սկսեցին արտերը վարել, յե՞րբ
սկսեցին ցանել գարին, կորեկը, բրինձը, բամբակը:

4. Նշանակեցեք՝ յե՞րբ սկսեցին վարել բանջա-
րանոցը:

5. Յե՞րբ տնկեցին կարտոֆիլը, կաղամբը, յե՞րբ
ցանեցին կոտեմը, բողկը, ռեհանը, պամիգորը, բա-
ղրը, պղպեղը: Վոր բույսը յե՞րբ շիթիլ արին:





59. Հատիկի զարթնելը

Յորենի հատիկը պառկած էր հողի տակ:
Յե՛վ հատիկի մեջ քնած էր փոքրիկ սաղմը:
Քնած էր, ինչպես մի փոքրիկ մանկիկ տաք որորու-
ցի մեջ. քնած էր ամբողջ ձմեռը:

Գարնան արևի շողը յեկավ տաքացրեց:

Յե՛վ հատիկի մեջ զարթնեց սաղմը: Զարթնեց,
սաստիկ քաղց զգաց, սկսեց ծծել իր մոտի պաշարը:
Ծծեց, ծծեց ու մեծացավ. պատռեց պարուրներն
ու արմատները խրեց ցած, փափուկ հողի մեջ,
նոր կերակուր փորոնելու:

Իսկ արևի ջերմությունը շարունակ քաշում էր
նրան վերևից, ու սաղմը ձգվում էր դեպի այն
կողմը, դեպի վեր:

Զգվեց, ձգվեց, ու նրա դալար ծիլը դուրս նայեց
հողի մի կոշտի տակից:

Ի՛նչ տաք էր, ի՛նչ պայծառ ու ի՛նչ ազատ նրա
շուրջը:


Առավոտյան հովը քնքուշ գրկեց նրան, ցողի
մի կաթիլ դրեց նրա կիսաբաց թերթիկին:



*
**

Արի գնանք, յեզը ջան,
համ վար անենք, համ ել ցան,
աշխատանքի որերը
հրես յեկան, մոտեցան:

Գուժանը դու կքաշես,
մաճկալդ ել կլինեմ յես,
են գլխիցը ես գլուխ
ես փեշակն ե պահել մեզ:



60. Յ ա ն ք ա ռ

Լավ իմացիր ցանքսի ժամանակը, շուշացնես,
ամեն մեկ որը հաշվի:

Այնպիսի յեղանակ ընտրիր, վոր վոչ չորային լինի,
վոչ խոնավ, վոչ ել սաստիկ քամի:

Հավ կանես՝ իրիկունը ցանես, վոր առավոտը հատիկները ցողախառն տափնես:

Սերմն առաջուց պիտի պատրաստես: Ընտիրը պիտի լինի, մաքուր, խոշոր, լիքը: Հավ ե՛ս սոված մնաս, բայց լավ սերմ ցանես: Հավ սերմի արմատները խոր են գնում, ցրտից ու յերաշտից այնքան չեն վախենում:



61. Հատիկ

Հույսը բացվում ե, շուտ արտը գնամ, պատռեմ սուր խոփով յես կուրծքը հողի, իմ սիրուն հատիկ, բեզ նրան պահ տամ մինչև որերը ամռան արևի:



62. Արոր

Ահա ծագեց կարմիր արև,
տաք և պայծառ ե որը.
գեհ, բաշեցեք, սիրուն յեզներ,
առաջ տարեք արորը:

Վարը վարենք, ալոս փորենք,
խոր ալոսներ հողի մեջ,
սերմը ցանենք, վոր հունձ հնձենք,
խուրձեր դիզենք կալի մեջ:

63. Գարուն

Ձմեռն անցավ,
յեկավ գարուն,
ձյունը հալվեց,
լցվեց առուն,
արև ծագեց
արևելքից,
ծիլեր բաշեց
գետնի տակից:
Ծառը պտկեց,
տվեց բողբոջ,


աղբյուրն հանեց
անուշ խոխոջ:
Արտո գնաց
ծնած մաքին,
տվեց անուշ
կաթը ձագին:
Մուկ ու մողես,
միջատ, գեռուն
արևն ելան,
յելան գարուն:



64. Չրվեմ

Քչբշարով սարի լանջից
ցած ե իջնում
ջուրը բարակ.
ցած ե իջնում ձորի միջից,
դուրս ե փախչում
արագ-արագ...

Դուրս ե փախչում ձորի միջից,
առաջ վազում
վոլոր-մուլոր,
են ահավոր ու մուլ կիրճից
գալիս հասնում
անդունդը խոր...



65. Զուրը

Ամեն շուր մեզ պիտանի չի: Զուր կա, վոր մեզ
փաստում է ու հիվանդացնում. հենց վոր մարդ խմում
է, փորը ցավում է, լուծ է ընկնում, վարակիչ հի-
վանդություն է ստանում — խուլերա, վորովայնի տիֆ:

Յերբ մարդ վատ ջրով է լվացվում, աչքերը
ցավում են, յերեսի ու կաշվի վրա բծեր կամ բշտիկ-
ներ են դուրս գալիս:

Ինչպես պիտի ճանաչել լավ շուրը: Յեթե շուրը
պարզ է սւ ապակու պես թափանցիկ, յեթե նրա
մեջ կեղտոտություններ չեն լողում (մազ, ծղնոտ,
խոտ), յեթե ամանի տակ կեղտ չի նստում, շուրը
լավն է, այդպիսի շուրը վոչ գույն է ունենում. վոչ
հոտ, ու փասակար չի:

Ամենալավ շուրը աղբյուրների շուրն է:



66. Առվակներ

Կլկան առվակները
պլպում են,
պլպան առվակները
կլկում են.
Կլկում, պլպում ու գնում են.
պլպան առվակները
փրփում են,
փրփրան առվակները
կլկում են,
կլկում, պլպում ու գնում են.

67. Մեր պարտեզը


Մեր պարտիզի գետինը կակղել էր, ձյունը հալվել,
վերջացել էր: Թռչուններն արդեն յեկել էյին:

Մի որ գնացինք, վոր տեսնենք՝ ծառերը պտկել
են, թե վոչ: Խնձորենին, կեռասենին ու տանձենին
արդեն պտկել էյին: Հայրիկս նորոգում էր ցան-
կապատը, վոր հավերը պարտեզը չմտնեն:

—Յերեխեք, ցաքատը պետք է սրել տալ, չոր ձյու-
ղերը կտրելու ժամանակը մոտ է,—ասաց հայրիկս:

Որ չեը վինի, վոր նա պարտեզ չգնար, մի բան
չաներ:

Պարտիզի գլուխցավանքը շատ է, բայց ամառն
ինչքան լավ է:



68. Մեր պատուհանի պարտեզը

Գարնան սկզբին մենք վորոշեցինք դասարանում
բույսեր ցանել: Վերցրինք չորս ծաղկաման. առա-
ջուց թրջեցինք լոբու, սիսեոի, ցորենի սերմերն ու
ցանեցինք ծաղկամաններում:


Յերեք ծաղկամանը հերթապահն ամեն որ շրում
էր, իսկ չորրորդը վոչ:

Յերեքում միքանի որից հետո կանաչ ծիլեր
յերևացին, չորրորդում վոչ մի փոփոխություն չկար:

Մենք հողը փորփրեցինք և տեսանք, վոր սեր-
մերն ինչպես ցանել էյինք, այնպես ել մնում էյին:

Մենք հասկացանք, վոր սերմն առանց ջրի չի
կանաչի:

- Ել ինչ է հարկավոր բույսերին:
- Ինչ ել փորձեր արեք:
- Իրացեք. ձեր դիտողությունները գրեցեք որատետրում:



69. Ծառատունկը

Մեր դպրոցը պատրաստվում է շուքով տոնելու
ծառատունկի օրը:

Մեծ աշակերտները գրել էյին «ԱՄԵՆ, ՄԻ Ա-
ՇԱԿԵՐՏ ՄԻ ԾԱՌ ՏՆԿԻ» և կպցրել էյին դպրոցի
դռանը:

— Բն դուք ինչ եք անելու, — հարցրեց ուսու-
ցիչը:

— Ինչ վոր ասեք՝ կանենք. փոս ել կփորենք,
ծառ ել կտնկենք, ջուր ել կկրենք, — պատասխանե-
ցինք մենք:

— Լավ, — ասաց ուսուցիչը, — մենք աշխատանքն
այնպես կբաժանենք, վոր ձեզ հեշտ աշխատանք
ընկնի. դուք դեռ փոքր եք:

Մենք վորոշել էյինք՝ ճանապարհի յերկու կող-
մը ծառեր տնկենք:

Մեծ աշակերտները փոսեր փորեցին:

Փոսերն եղպես միքանի օր մնացին:




Կիրակի օր եր. Շատ մարդ եր հավաքվել. մենք
էյինք, կոմ յերիտականները, կուսակցականները, կա-
նայք. բոլորս ել կարմիր դրոշակներով:

Տնկիները բերել էյին պատրաստել. սկսեցին
տնկել: Զուռնեն ածում եր:

Մենք ուրախ-ուրախ աշխատում էյինք. իսկա-
կան տոն եր. 300 ծառ տնկեցինք:

- Պատրաստեցեք ծառատունկի տոնին:
- Տնկիներ ձեռք բերեք:
- Ձեր դպրոցի բակում ու դպրոցի շուրջը ծառեր տնկեցեք:

- Գլուղացիների հետ մասնակցեցեր ծառասունկի տոնին:
- Պահպանեցեր անտառները:




70. Գարուն

Զուգվել են կրկին
անտառ ու այգի,
վշտում ե ուժգին
շուրք գետակի:

Հավերքը սիրուն
համերգ են կազմել,
արտում ու հանդում
յերգ ու հորովել:

Թիթեռներն ուրախ
թռչում են դես-դեն.
Հան, տեսքիդ մատաղ,
գարուն ե արդեն:



71. Աշոտի ձեռնափայտը

1

Աշոտն ու Տիգրանը մի անգամ այգի գնացին, ուռենու ճյուղերից իրենց համար փայտեր կտրեցին: Յերբ առվի ափին նստած խոսում էյին, Տիգրանն իր փայտը դեն գցեց, իսկ Աշոտը տնկեց առվի ափին փխրուն ու խոնավ գետնի մեջ:

Անցավ միքանի ամիս: Ամառվա վերջն եր: Տիգրանը մի անգամ մենակ նույն տեղը յեկավ և յինչ տեսնի՝ Աշոտի տնկած փայտը ճյուղեր ե տվել. ուրախացավ և այդ որից սկսեց խնամել նրան: «Թող աճի, Աշոտից հիշատակ կմնա», — մտածեց նա:

2

Շատ տարիներ անցան:

Աշոտն ու Տիգրանը կրկին միասին յեկան այդ կողմերը զբոսանքի: Աշոտը նկատեց առվի ափին մի



գեղեցիկ կանաչ ուռենի, վոր ճյուղերը կախել եր ջրի վրա. — «Յեկ նստենք այս ուռենու տակ», — ասաց նա Տիգրանին:

— Յես հաճախ նստում եմ ու քեզ հիշում. — պատասխանեց Տիգրանը:

— Ինչո՞ւ ինձ,— հարցրեց Աշոտը:


— Հիշում ես, վոր ուռենուց կտրածդ փայտը տնկեցիր այստեղ: Ահա այն փայտն է, վոր աճել, ուռենի յե դարձել. մենք այժմ նրա տակն ենք նստած:

— Ուռենու ճյուղեր բերեք, տնկեցեք ձեր առվի ափին:

72. Պահապաններ

Գարուն է. արևը տաքացնում է: Պապիկը նստած արկղ է շինում տախտակներից:

— Ի՞նչ ես անում, Պապիկ:




— Տեսի եմ շինում, տնակ, շուտով պահապանները կգան, պետք է տեղ տալ նրանց:

— Ի՞նչ պահապաններ, սվքեր են:


— Միթե չգիտեք. մեր ժիր, խելոք սարյակները, վոր մաքրում են բանջարեղենը վորդերից ու խխունջներից:

— Ել ի՞նչ ոգտավեա թռչուններ գիտեք:



73. Պատիկ ծիտը

Պատիկ ծիտ եմ
ծախ ցեղից,
Ծտաստանի
Ծտոց գեղից:
Իմ պապերին
ծիտ են ասել,
ծիտ անունը
ինձ է հասել:
Հիմի ել յես
ծիտ պապիս պես
կծվվամ,
կթռվոամ:



74. Մեր քանցարանոցը

Յերբ դպրոցի բակը խմբերի բաժանեցին, մեզ էլ մի կտոր հող տվին:


— Տեսնենք՝ դուք ինչ եք անելու, — ասում էին մեծ աշակերտները:

Մենք չգիտեինք ինչից սկսենք, ինչ ցանենք: Գործն առաջ չեր գնում:

— Յեկեք ձեզ ոգնեմ, — ասաց Վարդանը:

Նա շատ բան գիտեր, պիտներ էր:

Նրա հետ մենք մեր հողամասը մարզերի բարանեցինք:



Հետո այդ հողը փեյնեցինք, քարերից մաքրեցինք. Վարդանը մեզ սերմեր տվեց. ինքը տանը թրջել էր, ու սերմերն արդեն ծլել էին:

Ցանեցինք լոբի, սիսեռ, տակ, բողկ, տեսակ-տեսակ ծաղիկներ:

Միքանի գլուխ սոխ ել տնկեցինք: Ջրեցինք, հեր-

թապահներ նշանակեցինք՝ մեր բանջարանոցին հրակելու համար:

— Տեսեք ես առաջիններին, ե, վերջը գործը գլուխ բերին, — ասում էին մեծ աշակերտները մեր բանջարանոցի կողքով անցնելիս:

- Ձեր դպրոցը բանջարանոց ունի:
- Ձեր խումբն իր անկումն ունի:
- Ի՞նչ եք ցանել ձեր անկումում:
- Ի՞նչպես եք բաժանել ձեր մեջ աշխատանքը:
- Ի՞նչպես եք հետևում բանջարանոցին:



75. Պարտիզի յեւ քանցարանոցի վնասատուները

Յերբ թրթուռները դուրս գան, կտրեցեք ծառի կամ բույսի ճյուղը, վորի վրա թրթուռ ե նստած. բերեք դպրոց, շուրը դրեք ու տուփով ծածկեցեք: Տուփի մի պատը կտրեցեք, տեղը թանգիֆով փակեցեք. մյուս պատերը մախաթով ծակծկեցեք:

Դիտեցեք և պատասխանեցեք հետևյալ հարցերին.

1. Ի՞նչ ե թրթուռը — տերև է, ծաղիկ, թե՛ մի ուրիշ բան:

2. Բույսին ի՞նչ վնաս ե տալիս:

3. Փնտռեցեք այդ վնասատուի հետքերը ձեր բանջարանոցում կամ պարտիզի ծառերի վրա:

4. Իհտեցեք՝ ո՞վ է ոգնում մարդուն այդ փաստուրի հետ կռվելու: Այդ նպատակով գնացեք բանջարանոց կամ պարտեզ ու հետևեցեք՝ ինչ թռչուններ են հավաքվում այնտեղ և ինչ են անում: Յեթե գիտեք նրանց անունները, նշանակեցեք: Յեթե նկատեք այնպիսի թռչուններ, վորոնց առաջ յերբեք չեք տեսել, նշանակեցեք նրանց մեծությունը, գույնը, դիտեցեք՝ ինչ են անում պարտիզում և այս բոլորը նույնպես գրի առեք:

76. Անձոռնի ձուտիկը

Յերեք շաբաթ թուխսը վեր չեր կենում ձվերի վրայից: Տասներկու բրդոտ ձուտեր դուրս ելին յեկել, մնում եր միայն մի կանաչագույն փոքրիկ ձու:

Վերջապես մի առավոտ թուխսը նկատեց, վոր ձվի ներսից մեկը թրխկթրխկացնում է: Սաստիկ ուրախացավ, իսկույն շարդեց ձուն իր ամուր կտուցով, ու միջից դուրս յեկավ ձուտիկը:

Սա նման չեր մյուս ձուտիկներին: Ավելի բրդոտ եր, ավելի դեղին, վոտիկները կարճ-կարճ, գլուխը լայն, կտուցը տափակ:

— Ես ինչ անձոռնի յե,— մտածեց մայրը, մի քիչ տխրեց, բայց շուտով ինքն իրեն սիրտ տվեց թե՛ վոչինչ, կմեծանա, կգեղեցկանա:

Հավաքեց իր բոլոր ձուտիկներին ու հպարտ-հպարտ կորխկալով տարավ նրանց առվի ափը քուջուջ անելու: Անձոռնի ձուտիկը շուրը տեսավ թե չե, ընկավ մեջը:

Մայրը սարսափած ճշում եր, կանչում, թները

թափ տալիս, նետվում դեպի շուրը: ձուտիկներն ել ծվում ելին, դես ու դեն ընկնում:

Իսկ անձոռնի ձուտիկը թեթև շարժում եր իր թաղանթավոր թաթերը ու հանգիստ լող տալիս ջրի յերեսին:

Պառավ նանը լսեց թուխսի ճիչն ու բակի աղմուկը. դուրս վազեց, տեսնի՛ ինչ է պատահել, ու խփեց ծնկանը.

— Վա՛յ, քոռանամ յես. ես ինչ եմ արել. հավի տակ բաղի ձու յեմ դրել:

— Ինչի որ է հավը թուխս նստում:

— Իսկ բա՞ղը, սա՞ղը:



77. Իժվար հանելուկ

Պուղին թաշկինակով տասը ձու յեր տանում տուն: Ճամպին պատահեց իր ծանոթին ու ասաց.

— Թե իմանա՛ թաշկինակումս ինչ կա, սրա ձվաձեղից քեզ ել կուտացնեմ:

— Չու,— պատասխանեց ծանոթը:

— Վա՛հ,— զարմացավ խելոքը.— եզ վոնց իմացար: Իե են ել ասա, քանի՞ հատ ե: Թե եզ ել իմացար, բոլոր տասն ել քեզ կտամ:

— Տասը:

— Առ, ախպեր, եզ ել իմացար,— ասավ Պուղին ու թաշկինակով ձուն տվեց ծանոթին:



78. Կովն ու գիլագուավը

Մեր կովը բազն էյին կապել, խոտ եր ուտում:
Մեկ ել հանկարծ մի գիլագուավ յեկավ, մեջքին նըս-
տեց ու սկսեց մեջքը կտցել:

Չլինի թե կովի մեջքը ցավացնի:

Իսկի յել չի:

Կովը հանգիստ կանգնել է իր համար, խոտ է ու-
տում, իսկ գիլագուավը կտցում է հա կտցում:

Բայց ինչո՞ւ:

Ահա թե ինչու: Այժմ գարուն է, կովերը փո-
խում են իրենց մազը. գիլագուավը ել գարնանը
բուն է շինում. մազ է պետք, վոր ձվերի համար
տաք տեղ պատրաստի: Գիլագուավը հանում է կովի
հին մազերը. համ նրան է ոգուտ տալիս, համ իրեն.
կովի կաշին քոր է գալիս, պատերին ու ծառերին է
քսվում, վոր հին մազերից ազատվի:

Գիլագուավը թռավ: Կտցին մազ կար: Տարավ
բունը: Չվերը տաք տեղ կունենան: Եղ ձվերից հետո
փոքրիկ ճուտեր դուրս կգան:

79. Լորիկ

Առավոտուն փչեց հով,
արտը ծփաց, դարձավ ծով.
արտի միջից թռավ լոր,
թռավ, ընկավ ձորե-ձոր:

Լորիկ, լորիկ, ես տարի
արտս արել եմ գարի.
ուր վոր երթաս՝ շուտ արի,
արտիս միջին ծվարի:

80. Թռչուններ

ԸՆՏԱՆԻ ԹՈՉՈՒՆՆԵՐ ԵՆ՝
Հավը, բազը, սագը, — ել ի՞նչ ընտանի թռչուն-
ներ գիտեր:

ՅԵՐԳՈՂ ԹՈՉՈՒՆՆԵՐ ԵՆ՝

Սոխակը, կկուն, կռունկը, — ուրի՞շ:

ՎՍՅՐԻ ԹՈՉՈՒՆՆԵՐ ԵՆ՝

Բուն, ուրուրը, — ուրի՞շ:

*
* *

1. Ի՞նչ լողացող թռչուններ գիտեր:
2. Ի՞նչ ձև ունեն նրանց թաթերը:
3. Ի՞նչ թռչուններ են ապրում ճահիճներում.
Ի՞նչ ձև ունեն նրանց վտաքերը, վիզը, կտուցը:
4. Թռչունները տարվա վո՞ր ժամանակն են բներ
շինում:
5. Թռչունները ինչի՞ց են բներ շինում:
6. Ի՞նչպես պետք է ճանաչել լավ ձուն՝ առանց
ջարդելու:
7. Սովորեցեք կավից թռչուններ շինել:



81. Վոչխարները

1

Գարնանը, յերբ ձյունը հալվեց, կանաչ խոտը բուսավ, մեր վոչխարները արածելու դուրս յեկան:

Գարնան սկզբին վոչխարները ծնեցին. ամեն մեկը մի գառ բերեց. միայն մեկը յերկու գառ ունեցր: Վոչխարներին Սաքոն եր հանդը տանում, գառներին՝ յես:



Հանդում գառներն արածում եյին, յես ել շվի եյի փշում, մանուշակ քաղում, փնջեր անում, բերում, մորս տալիս:

Կեսորին հոտերը բերում, խառնում եյինք իրար, մեր տալիս. կանայք կթում եյին, կաթը լցնում մեծ կաթսաները:

2


Յերբ շոգն ընկավ, հայրս ու Սաքոն մեծ-մեծ յերկար մկրատներով խուղեցին վոչխարների բուրդը. յես ոգնում եյի նրանց, իսկ մայրս ու քույրս ել բուրդը հավաքում եյին, տոպրակները լցնում:

Հետո քույրս այդ բուրդը լվաց, գզեց, իսկ մայրս թել մանեց:

Այդ թելից մեզ համար տաք վերնաշապիկներ, գուլպաներ, ձեռնոցներ գործեցին, քույրս իր համար շալ գործեց:

Մնացած թելերը մայրս գույնզգույն ներկեց, վոր ձմեռը կարպետ, խալիչա գործեն:

— Բրդից դատ վոչխարն ել ինչ ե տալիս:



82. Սարի լանջը

Սարի լանջը մահճակալ,
ուխանյ, ուխանյ, ինչ փափուկ ե,
չեչոտ քարը գլխակալ,
ուխանյ, ուխանյ, ինչ կակուղ ե,
մի հին կարպետ ուսերին,
ուխանյ, ուխանյ, ինչ նախշուն ե,
այս ե հովվի անկողին,
ուխանյ, ուխանյ, ինչ սիրուն ե:

83. Ինչպես մեկը խուղվեցիկը

1

Մեր բուրդի մազերը յերկարել ու խճճվել եյին: Բժիշկը բացատրեց, թե յերկար մազերը կեղտ ու փոշի յեն հավաքում, գլուխը լավ չի մաքրվում լվանալիս: Վորոշեցինք բուրդով խուղվել: Բայց ինչպես, ինչո՞վ և ո՞վ պիտի խուղեր:

Թե մկրատն առնես ու խուղես, բուրդի գլուխները բոստան-բոստան կանես, լավ չի:

Ուսուցիչն ասաց. «Մեքենա կճարեմ, մեծերից մեկը թող բուրդիդ խուղի»:

Զարմացած մնացինք, թե եզ ինչ մեքենա յե:

2

Յես կարծում եյի, թե մեքենան կլոր պղնձի պես մի բան կլինի, գլուխներս կկոխեն այնտեղ ու խուզված կհանենք: Յերբ յերեք որ հետո ուսուցիչը բերեց մեքենան, բոլորս ձայն տվինք. «Հը՛մ, այ թե ինչ պիտի մեքենա յե. կարծում եյինք՝ սարսափելի բան կլինի»:



3

— Այսոր դասերից հետո պիտի խուզվենք, — սաց ուսուցիչը. — ով առաջինը կհաստի:


— Յես, յես, յես... — լսվեցին միքանի ձայներ:

Ամենից առաջ նստեց Անտոնը. ահանջները մագերի տակ չեյին յերևում: Ուսուցիչը լրագիրն անցկացրեց Անտոնի վիզը, մեկն ել փռեց վոտքերի տակ ու սկսեց խուզել: Հետաքրքրությամբ նայում եյին:

Մեծ աշակերտները մեջ ընկան, սկսեցին փոր-
րերին խուզել:

Մյուս որը բոլորիս գլուխները մաքուր եյին:

- Ձեր խմբում բոլորը խուզված են:
- Ամիսը մի անգամ խուզվեցեք:
- Ձեր կողպերատիվի փողերով դպրոցի համար խուզելու մեքենա գնեցեք:



84. Մանուշակ

Կապույտ գլխով, կանաչ փոքրով,
յես ծաղիկ եմ անուշ հոտով:
Թեև տունկս փոքրիկ ե, ցած,
թփերի տակ միշտ թագ կացած,
բայց իմ փունջը իբրև զարդ
տեսնում ե միշտ ամեն մարդ.
յես եմ սիրուն զարնան գուշակ,
իմ անունս ե մանուշակ:



85. Մեղուները

Գարունը յեկափ արևը հալեց, փախցրեց դաշտերի ձյունը: Որը տաք եր, արևը վառ:

Մեղուները փեթակից դուրս յեկան, թռան խրնձորենու մոտ:

— Մի՞թե խնձորենին խեղճ մեղուների համար վոչինչ չաւնի. չե՞ վոր նրանք ամբողջ ձմեռը սոված են յեղել:



— Վնչ, մեղուները շատ շուտ են դուրս թռել. դեռ խնձորենու ծաղիկները թագնված են բողբոջների մեջ:

Մեղուները թռան դեպի բալենին:

— Մի՞թե բալենին ծաղիկներ չունի խեղճ մեղուների համար:

— Միքանի որ հետո գան՝ գուցե լինի. այդպես շուտ վոչ մի ծաղիկ բացված չի լինի:

Մեղուները թռան կակաչի մոտ, մտան նրա

գունավոր բաժակը, բայց այնտեղ վոչ մեղր կար, վոչ հոտ:

Խեղճ մեղուները սոված, տխուր ուղում եյին յետ թռչեն փեթակը, յերբ հանկարծ թփի տակ տեսան մուգ-կապույտ փոքրիկ ծաղիկը — մանուշակը:

Մանուշակը բաց եր, մեջը լիքը քաղցր, բուրավից հյութ:

Մեղուները կերան, խմեցին, յետ թռան կուշտ, ուրախ:



86. Մեղու


Գարուն, ամառ ամեն որ նա գնում ե դաշտ ու ձոր, աշխատում ե միշտ անվերջ, մեղր ե փնտռում ծաղկանց մեջ: Իսկ յերբ փչե ցուրտ բամին, ծաղիկներն ել թառամին, նա իր ժողված պաշարով կապրի ձմեռն ապահով:

— Ել վոր միջատներն են ձմեռվա պաշար հավաքում:




87. Մեղու

Պզզան, պզզան, պզպզան,
պստիկ մեղու տգտզան.
դաշտ ու հովիտ կըրջես,
բարձր սարեր կթռչես
ու վոտներով թավամազ
փոշի առած տուն կգաս:



88. Անկյունու

Մուկուչը կանգնած էր տան անկյունում. տես-
նում է վոստայն, սարդն էլ վրան. ենքան էլ թա-




թեր ունի, յերկար, շատ յերկար: Մարդը մոտեցավ
վոստայնի ծայրին ու հանկարծ ընկավ:
— Կփասվի,— մտածեց Մուկուչը: Մեկ էլ տե-

աւի ցածում մի ուրիշ վոստայն՝ բարակ թելով
միացած վերևի վոստայնին. հենց այդտեղ էլ նստեց
սարդը:

— Տես, յերկու հարկանի տուն ունի.— մտածեց
Մուկուչը: Հանկարծ «թո՛փ» — վերին հարկը միան-
գամից յերկու ճանճ ընկան: Մեկը փախավ, մյուսը
խճճվեց մնաց:

Վերևի վոստայնը ցնցվեց ու շարժեց ցածի վոս-
տայնը այն թելով, վորով սարդն իջել էր: Մարդը
կծկվեց ու հանկարծ սկսեց արագ-արագ բարձրա-
նալ թելով: Ճանճը թափ տվեց իրեն, պուկ յեկավ
ու թռավ: Մուկուչն ուրախացավ, վոր ճանճն
սպաստվեց:

— Դիտեցե՛ք սարդը, նկարագրեցե՛ք:




89. Ընկերոջն ազատելու համար

Մըջյունները ճանապարհի վրայով անվերջ գնում
ու գալիս էին. ամեն մեկն իր գործին էր: Չարաճճի
Հայկը վերցրեց կավի մի փորրիկ գնդիկ ու դրեց
մըջյուններից մեկի վրա: Խեղճ մըջյունը չէր կա-
րողանում տակից դուրս գալ: Իսկ Հայկը նայում
էր, թե ինչ կլինի:


Գնում են ու գալիս մըջյունները, բայց խեղճին
չեն նկատում. ամեն մեկն իր գործին էր: Բայց ահա
մի մըջյուն կանգ աւաւ, տեսավ, վոր ընկերը

վտանգի մեջ է, ուզեց ոգնել նրան կավի տակից դուրս գալու: Շատ շարժարվեց, չկարողացավ: Արագ-արագ վազեց ինչ-վոր տեղ:



Քիչ անց շատ մըջուռներ թափվեցին ոգնու-թյան. հավաքվեցին գնդիկի շուրջը: Մեծ է կավե սարը, բայց չէ՞ վոր մըջուռները շատ են: Նրանք միասին աշխատանքի կպան: Մի-մի կորեկի շափով կոշտը քանդում ենին ու տանում, դեն գցում: Շուտով ամբողջ կավը կրեցին, և մըջուռը ազատվեց:

— Իհտեցեք մըջուռներին:



90. Մեր կռնուռնան


Յես տասներկու տարեկան եյի: Մորս հետ ապրում եյի Աշտարակում: Մայրս մանկատանը ըվացարարուհի յեր: Նա հիվանդացավ, ինն որ պառկեց ու մեռավ:

Յես շատ լաց յեղա:

Հետո մորս թաղեցին, իսկ ինձ ընդունեցին մանկատուն:

Շատ լավ եր մանկատանը. այնտեղ սովորում

եյի, բայց ելի հաճախ հիշում եյի մորս. ուզում եյի լաց լինել, բայց չեյի լալիս, վորովհետև պիտներ եյի: Աշտարակից վոչ հեռու մի գյուղ կա— Թաքիա



յե կոչվում: Մեծ վորբերն այնտեղ կոմմունա ունեյին: Իրենք եյին վարում, ցանում, բանջարանոց պատրաստում:

Աշտարակում յես ապրեցի շորս տարի:



Բայց ահա մի անգամ մեզ մեծահասակներիս կառավարիչը կանչեց ու ասաց.

— Յերեխեք, ուզում եք կոմմունա գնալ. այնտեղ այս ըոպեյիս աշխատողների կարիք կա. շատ հողեր են ստացել, մշակելը չեն հասցնում:

Մեզնից միայն յերեքը շուղեցին. արհեստավոր եյին ուզում դառնալ:

Մյուսներս ուրախութեամբ համաձայնեցինք և սկսեցինք ճանապարհվելու պատրաստութիւն տեսնել:

Կիրակի յեր: Հավաքվեցինք, բոլորին մնաս-բարև ասացինք: Գառավարիչը ճառ խոսեց. ասաց, վոր մենք կյանք ենք մտնում, ու հաջողութիւն ցան-



կացավ մեզ: Մենք լաց յեղանք, հետո նորից ուրախացանք ու ճանապարհ ընկանք:

Ճաշի մոտ մենք արդեն կոմմունայում եյինք: Աշխատանքը յեռում եր. բոլորն աշխատում եյին:

Մեկը փորում եր, մեկը մարգեր եր պատրաստում, մեկը հատիկներ մաքրում:



Ուրախ զիմաւորեցին մեզ, տեղավորեցին. մեր համբերութիւնը հատնում եր. իսկույն աշխատանքի կպանք:

Սկզբում մեզ համար ծանր եր, բայց հետո վարժվեցինք և մեզ շատ լավ եյինք զգում:

Մեր կոմմունան որեցոր ընդարձակվում ե. նոր տներ ենք շինում, նոր մարազներ: Այս տարի մեզ համար դպրոց շինեցինք. բոլորը գյուղատնտեսութիւն են սովորում:

Յերբեմն գալիս եյինք Աշտարակ մեր փոքրահասակ ընկերների մոտ ու միասին ուրախ ժամանակ անցկացնում:



91. Պետական ապահովագրութիւնը

Մեր գյուղը սարի ծերին ե. ամեն տարի մեր արտերը կարկուտը տանում ե:

«Վորտեղ կորած կարկուտ կա, մեր գյուղի վրա վեր կգա»,—ասում են գյուղացիք:

Մի անգամ մեր գյուղը մի հրահանգիչ յեկավ. ասաց՝—Յես Պետապի կողմից եմ յեկել. ձեր արտերը ապահովագրեք. յեթե կարկուտը տանի, պետութիւնը ձեր փասը կտա:

Գյուղացիք կասկածում եյին. ով գիտի՝ մեզնից փող են պոկում. բայց մտածեցին, խոսեցին, վերջը վորոշեցին ապահովագրել ցանքսերը:

Ելի կարկուտ յեկավ, արտերը սրբեց, տարավ: Գյուղացիք անհայ մնացին:

Պետապը վրա հասավ. փասները տվեց: Գյուղացիք աչքներին չեյին հավատում, բայց փողերը գրկապանում զրնգում եյին. չհավատալու ել ինչ կար:

Գյուղ-վարկային ընկերութիւնն ել ոգնեց. գյուղից փող հավաքեց ու Ռուսաստանից լավ, եժան ցորեն բերել տվեց:

— Ես կարկուտի ձեռից խորհրդային իշխանութիւնը մեզ լավ ազատեց, — ասում էին գյուղացիք:

— Անասուններն ել ապահովագրենք, մեր ոգուտըն ե:

— Ձեր գյուղի արտերն ապահովագրված են:

— Ել ինչ կարելի չե ապահովագրել:

— Հարցրէք ուսուցչին՝ ինչ ոգուտ ե տալիս ապահովագրութիւնը:


— Կարգացեք խրճիթ-ընթերցարանում պետական ապահովագրութեան կանոնները:

92. Մայիսը

Զուգված, զարգարված
Թավիշ կանաչով
ցոլում են դաշտեր
վոսկի ճաճանչով:

Մայիսը սիրուն
Գոհար ե մաղել,
Թերթերը ծաղկանց
ցողով շաղախել:

Հազար հազարով
Թռչուն ե յերգում—
դաշտերը կանաչ
զնգում-զրնգում:



93. Մայիսի մեկի մասին

Մենք դասարանում ծաղիկներից ու կանաչ ճյուղերից շղթա էյինք հյուսում: Մյուս որը մայիսի մեկն եր:

Պետք ե զարգարեյինք դպրոցը, մենք ել կարմիր դրոշակներով մասնակցեյինք շքերթին:

— Յես մայիսի տոնը շատ եմ սիրում, — ասաց Հրաժինը, — տաք ե, շատ ծաղիկներ կան, դրոշակներ, յերգ, նվագ:

— Ընկեր Սոֆիկ, — ասաց Լուսիկն ուսուցչուհուն, — յերբ դուք սովորում էյիք, ինչպես էյիք տոնում մայիսի մեկը:

— Մենք այդ որը դաս էյինք սերտում. մեզ թվանշաններ էյին դնում, պատժում, անկյունը կանգնեցնում: Տոնի մասին — վոչ մի կոտք. իմ հայրը բանվոր եր: Մի անգամ նա ինձ իր հետ տոնելու տարավ. բանվորներն անտառում հավաքվել էյին իբր թե բեֆի, բայց ժողով արին: Ժողովից հետո շարքերով անցան քաղաք. նրանց դրոշակների վրա գրված եր՝

«Ութ ժամվա բանվորական որ ենք պահանջում»:
Քաղաքում վոստիկանները նրանց ցրեցին:
Միքանիսին բանտարկեցին:

— Առաջ աչքպես եր: Իսկ հիմա:

— Դուք ինչպես եք տոնելու մայիսի մեկը:

— Կազմեցէք տոնի ծրագիրը:

94. Մանկական ինտերնացիոնալ

Յերգով շարժվենք մենք մանուկներս—
 գնանք մեր տունը մանկական.
 Թուչնի յերգի պես տարածվեն թող
 յերգերը մեր—թող թըռվըռան:
 Ահա շողում ե արեգակը,
 այգում փրոզել են կանաչներ.
 Թըռչունն իր յերգը ըսկըսել ե.
 ցողով ծածկվել են տերևներ:
 Մեր թույլ վոտքերը միշտ քայլում են,
 մանուկ սրտեր ենք մենք կրթում.
 գեպի ուսումն ու գիտությունը
 գնում կամքով մեր ընդհանուր:



95. Առաջին խումբը պատրաստվում է դպրոցական ցուցահանդեսի

Մտե դպրոցական տարվա վերջը: Վրա յե հասնում ամառվա արձակուրդը: Ամբողջ դպրոցը ցուցահանդեսի յե պատրաստվում: Հանգիստ ու դադար չկա: Ամեն մի խումբ ու գում ե իր աշխատանքը ցույց տալ:

Մեր առաջին խումբը յետ չի մնում մյուսներից: Միքանիսը տերևներ ու ճյուղեր են կպցնում աշնան տախտակի վրա, ուղղում են բնության որացույցները, կավե ծեփվածքները, մյուսները հավաքում ու գասավորում են նկարներ, վոմանք ել դարակներ են պատրաստում:

Ցուցահանդեսի յեռյակը մեզ պատվիրել է 30 գրոշակ և թղթե շղթաներ պատրաստել:


Բայց ամենից գլխավորն է՝ մեր բաժնի վերևը մեծ ու գեղեցիկ տառերով գրել:

ԱՌԱՋԻՆ ԱՍՏԻՃԱՆԻ ԱՌԱՋԻՆ ԽՄԲԱԿ

- Դուք ել ցուցահանդես կազմակերպեցեք:
- Հրավիրեցեք գյուղացիներին:

96. Առաջին խումբը դպրոցական ցուցահանդեսում

Վերջապես ցուցահանդեսը պատրաստ է: Կենդանի անկյունը նախասենյակում թողինք: Դասարանից դուրս բերինք սեղանները, պատերը սրբեցինք, հատակը մաքուր լվացինք: Պատերի մոտ սեղաններ դրինք:



I ԱՍՏԻՃԱՆԻ ԱՌԱՋԻՆ ԽՄԲԱԿ

Դժվար է մեր դասարանները ճանաչել. մի անկյունից մյուսը ձգված են գունավոր շղթաները, պատերի վրա կարմիր դրոշակներ են ամրացրած:

Մեր խմբին շատ լավ տեղ են տվել ձախ անկյունում. մենք վերևը մեծ տառերով գրեցինք—

I ԱՍՏԻՃԱՆԻ ԱՌԱՋԻՆ ԽՈՒՄԲ

Պատի վրա ամրացրած են մեր լավ նկարները, տախտակները, պլակատները. սրանց տակը, սեղաններին ու դարակներին վրա դարսած են մեր տետրերը, կավե ծեփվածքները և ուրիշ աշխատանքներ:

Ուզում եյինք Հենինի պատկերն ել կախել, բայց մեզ ասացին, վոր ավելի հարմար է տեղավորել լենինյան անկյունում. մենք համաձայնեցինք:

- Դուք ել տարեկան ցուցահանդես կազմակերպեցեք:
- Գրեցեք այդ ցուցահանդեսի մասին:

97. Լենինյան անկյունը ցուցահանդեսում

Մեր ցուցահանդեսի ամենագեղեցիկ մասը Հենինյան անկյունն է: Լենինյան անկյունը կազմակերպող յեռյակը ցուցահանդեսից առաջ բոլոր դասարաններում հայտարարու թյուն եր կախել:

«ՀԱՎԱՔԵՅԵՔ ՈՒ ԴՊՐՈՑ ԲԵՐԵՔ ԱՄԵՆ ԻՆՉ ԼԵՆԻՆԻ ՄԱՍԻՆ»:

Բերում եյին պատկերներ, նկարներ՝ լրագրերից ու գրքերից հանած, վոտանավորներ, իրենց գրածները Հենինի մասին: Մի քանիսը Հենինի մասին գրքեր եյին բերել: Մեկն ել Հենինի արձանն եր բերել:

Անկյունում Հենինի պատկերներն եյին. Հենինը յերեխա ժամանակ, Հենինը ճառ ասելիս, Հենինը


դադադում, թաղումը և ուրիշ նկարներ: Մեծ աշակերտները մի պլակատ եյին կախել, վրեն գրված եր.

ԼԵՆԻՆԸ ՅԵՐԵԽԱՆԵՐԻ ԱՄԵՆԱԼԱՎ ԲԱՐԵԿԱՄՆ Ե.

ՄԵՆՔ ՉԵՆՔ ՄՈՌԱՆԱ ԼԵՆԻՆԻ ՊԱՏԳԱՄՆԵՐԸ.

ԼԵՆԻՆԸ ԱՄԲՈՂՁ ԱՇԽԱՐՀԻ ԲԱՆՎՈՐՆԵՐԻ ԱՌԱՋՆՈՐԳՆ Ե.

Ամբողջ անկյունը կանաչ ճյուղերով եր զարդարված, իսկ մեջտեղը կախած եր Հենինի պատկերը կարմիր ու սև կտորից շինված շրջանակի մեջ:



Ա Մ Ա Ռ Ը Մ Ե Զ Ն Ո Ւ Մ

98. Յերբ ե լինում

Արևն ե այրում,
խոտը չորանում,
ցորենը հասնում,
հասկերը լցնում:
Այս յերբ ե լինում:

99. Բագրատը գյուղում

1

Իմ հայրը բանվոր եր. մենք ապրում եյինք Թիֆ-
լիսում. ամառները գալիս եյինք մեր գյուղը:

Մի անգամ հորյեղբայրս ասաց.

— Բագրատ ջան, արի քեզ տանեմ սարը, վառո-
նանի մոտ:

Գնացինք, նանս շատ ուրախացավ:

Հորյեղբայրս մի գառ մորթեց, մաշկեց:

— Դու եստեղ կ'աց, Բագո, — ասաց հորյեղբայրս, —
մտիկ արա, վոր շները միսը շտանեն, յես կրակը
թեժացնեմ, խորոված անեմ:

Միսը դրած եր բարձր սալ քարի վրա, իսկ ներքեն
ընկած եր փորոտիքը: Փայտը ձեռս առա, կանգնեցի,
աղիքներն եյի քաշքշում. մեկ ել 4-5 շուն վրա տվին

այդ փորոտիքին: Շատ վախեցա. սկզբում ձայնս դուրս
չեր գալիս. հետո բղավեցի: Հորեղբայրս հասավ ու
չոմբախով շներին յես տվեց: Շները փախան:

— Վա՛յ, քոռանամ, — գոչեց նանը վրանից դուրս
գալով, — երեխես վախեցավ. սպրդնել ա: Առ, ան,
քեզ մատաղ, միքիչ ջուր խմի:

— Չե, ենքան ել չվախեցա... — կմկմացի յես:

— Սարի շներ են, կոպիտ են, բալն ջան, — ասաց
նանը. — ձեր Թիֆլիսի շների պես քաղաքավարի չեն:
Սրանց հետ միշտ պետք ե փայտը ձեռքիդ պահես:
Դրանից հետո շների հետ շատ զգուշ եյի:

2

Մյուս որը վառո նանը խնոցի հարեց. ինձ նստաց-
րեց խնոցու վրա ու յերգեց.

«Հարի, հն հարի, խնոցի,
մեջդ ե բարի, խնոցի»:

Խնոցու վրա շատ լավ եյի ձոճվում: Բավականին
հարելուց հետո նանն ինձ իջեցրեց. բաց արեց
խնոցին, նայեց:

— Բագո ջան, ինչ կարագ ե, ձեր Թիֆլիսումը
հո եսպես կարագ չես ուտում. դե, հացդ բեր՝ յե-
ղապատառ տամ:

Հաց ու կարագ կերա, թան ել խմեցի. շներն
եղտեղ եյին. խնոցին շրջապատած պոչերն անհան-
գիստ շարժում եյին: Վառո նանը գուռը թան ածեց.

— Դե լակեք:

Շներն սկսեցին ազան լակել թանը:

Սարում հովիվների հետ յես գնում եյի հանդը:
Վրաններից շատ հեռանում եյինք: Հովիվը սրինդ եր
ածում, վոչխարները հանգիստ արածում եյին. հե-

տո նա սրնգի յեղանակը փոխում եր, ու վոչխար-
ները գնում եյին դեպի աղբյուրը՝ ջուր խմելու:

Կեսորին բերում եյինք վրանների մոտ, վոր
վոչխարը կթվի:

Այդտեղ յես մնացի յերկու շաբաթ. հետո վերա-
դարձանք Թիֆլիս. շատ շոգ եր. յես միշտ հիշում
եյի սարի հովի ու սառը ջուրը:



100. Ինչ պետք է անել անսուր երսկուրսիայի ժամանակ

1. Հունիսի սկզբներին դիտեցեք գարու և ցորենի
հասկերը: Վսրն ավելի շուտ կհասունանա:
2. Յերբ սկսեցիք ցորենից հեղի պատրաստել:
3. Ինչ թռչունների ձայներ եք լսում դաշտում:
4. Տեսեք՝ ինչ աշխատանքներ են լինում դաշ-
տում և նշանակեցեք այդ աշխատանքների ժամա-
նակը:
5. Փորձեցեք ճանաչել ձեզ պատահած բույսերը:
6. Հավաքեցեք այդ բույսերը և չորացրեք:

101 Արեւ որերը մի՛ կորցնեք

Արևը շատ առողջարար է մարդու համար:

Բացի ջերմությունից արևի շոգերը մարդուն
ամրացնում են: Շատ հիվանդություններ արևով
են բժշկում:

Հիվանդները արևի վանաններ են ընդունում:
Ամառը ամրացրեք ձեր մարմինն արևով:
Աշխատեք միշտ արևի տակ լինել:

102. Վորտեղ յեւ ինչպես պիտի շոյանալ


Չլողանաք կանգնած, նեխած ու պղտոր ջրում.
ընտրեցեք մաքուր ու պարզ ջուր:

Չլողանաք առավոտը՝ արևը ծագելուց առաջ, և
յերեկոյան՝ յերբ ողը խոնավ է լինում:

Յերկար լողանալը փասակար է. 10—15 րոպե
ջուր մնալը բավական է:

103. Չոր ծախողը

Իմ կուլայով այս պուճուր
Չոր եմ ծախում, սառը ջուր.
Չոր գնեցեք, սառը ջուր
Իմ կուլայից այս պուճուր:



104. Կարմիր բանակն անսուսնոցում

Կարմիր բանակն ամառանոց եր յեկել: Կարմիր-
բանակայիններն ապրում եյին սպիտակ վրաննե-
րում: Վրանների առաջ ծաղիկներ եյին ցանել, լո-
գունդներ գրել՝ «Կեցցե ԽՍՀՄ». հեծելագունդը տե-
ղավորված եր ամենածայրը:

Ձիերն առանձին ծածկի տակ էյին:

— Աշոտ, արի գնանք ձիերը տեսնենք, — ասաց Գազիկը:

— Գնանք:

Գնացինք. ձիերը յերկու շարքով կանգնած էյին կողք-կողքի: Ամեն մեկն իր առանձին մսուրից կանաչ խոտ եր ուտում, փռնչացնում:

— Ե՛յ, ի՛նչ եք ուզում:

Յետ նայեցինք, տեսանք՝ մի մեծ կարմիր-բանակային գլխարկը յետ դրած, կռները քշտած, ցախավելը ձեռքին սրբում եր:

— Վոչինչ, յեկել ենք ձիերը տեսնենք, — ասացինք վախենալով:

Ուզում էյինք փախչենք, բայց նա ժպտաց.

— Լավ, յեկեք նայեք. ես ա ջուրն եմ տանելու, միասին կգնանք:

Մտանք ծածքի տակ: Վնրքան ձի կար, գանազան գույնի՝ սպիտակ, սև, կարմիր:

Մեկ-մեկ դուրս հանեց ձիերը, միքանի բանակայիններ յեկան, նստեցին, տարան:

— Ես յերեխաներին ել նստացրեք. թող սովորեն:

Մեզ նստացրին ձիերին. բռնեցինք ձիերի բաշերից, քշեցինք դեպի գետը: Այնտեղ կարմիր-բանակայինները դուլլերով ջուր էյին ածում ձիերի վրա, խոզանակներով մաքրում. ձիերի մարմինները փայլում էյին, ձիերը փնչացնում էյին:

Յերևի շոգ որին լողացնելը ձիերին դուր եր գալիս:

Մենք ոգնում էյինք կարմիր-բանակայիններին:

Ձիերը լողացրինք, պրծանք, յետ բերինք. շատ լավ եր:

— Կարելի՞ յե՛ եզուց ել գանք, — հարցրինք:

— Յեկեք, ձեզ մատաղ, — ասաց մեծ կարմիր-բանակայինը. — ուզում եք՝ ամեն որ յեկեք — ես աշխարհը վոր կա, ձեզ համար ե:

— Եքսկուրսիա գնացեք կարմիր-բանակայինների մոտ և ծանոթացեք նրանց կյանքին:

— Ձեր գյուղացիներից քանին են կարմիր-բանակում յեղել:

— Իմացեք նրանցից կարմիր բանակի մասին:

105. Հո՛, հո՛, յե՛զ ջան

Հո՛, հո՛, յե՛զ ջան, հո կալ արա՛,
կալիդ դուրբան, հեյ ընկեր.
հո՛, կալ արա, մի հալ արա,
թեղը դիզենք, ջան ախպեր:
Իրիկուն կուգա, մութը կընկնի,
աստղ ու լուսին կբացվին.
հովիկ կուգա, ցուրտը կընկնի,
հո՛, հո՛, մեռնեմ քո ջանին:



106. Կալսելը

Յորենի խուրձերն իրար վրա դարսել էյինք, կալը սրբել, մաքրել:

— Դե՛: Երեխեք ջան, — ասաց հայրս, — քանի լավ որեր են՝ կալսենք, տեղավորենք ցորենը, թե չե անհաց կոտորվեցինք:

Յես, Տիգրանը, Սիրուշը, Չաբել հարսը վրա ընկանք, խուրձերը քանդեցինք, կալումը փռեցինք, հետո կամերը մարագից հանեցինք, յեզները լծեցինք

ու սկսեցինք պատեր Առաջի կամին ձին լծեցինք,
 յես նստեցի եղ կամին ու սկսեցի շուտ-շուտ քշել:
 — Ճամպան, ճամպան, — ճշում եյի յես ուրախ-ու-
 րախ:

— Կամաց, կամաց, ձիուն չմխասես, մի շտապի,
 դեռ ենքան կկալսես վոր, — ասաց մայրս: Միրուշն
 ու Տիգրանն աշխատում եյին առաջ-կտրուկի տալ:
 Ամեն մեկն իր կամն եր առաջ գցում:

— Դեհ, խաղը վերջացրեք, — ասաց հայրս, —
 հանգիստ քշեք, քյուլաշը շաղ միք տա:

Իրիկունը կալը կալսած եր, և հերս ու Չարել
 հարսն սկսեցին քամուն տալ...

Մենք ել մորս հետ կալը ավլեցինք:

— Դուք ինչպես եք կալում:

— Ինչպես կարելի յե ավելի հեշտ ու արագ կալսել:



Յ Ա Ն Կ

ՁՄԵՌԸ ՄԵԶՆՈՒՄ

- | | |
|---|---|
| 1. Տոն | 32. Իմն ե |
| 2. Գրագետը | 33. Հայրը և վորդիները |
| 3. Առաջին ձյունը | 34. Յեղեմիին |
| 4. Չմեռ | 35. Ամեն մեկն աշխատում ե բու-
լորի համար |
| 5. Յերբ ե լինում | 36. Ինչ կարող ե անել կուլեկտիվը |
| 6. Մեր կազմակերպությունը | 37. Քաջ տղան |
| 7. Մեր որատեսարից | 38. Գայերի վտանգը |
| 8. Ընտանիքը | 39. Հագուստը |
| 9. Հոր ոգնականը | 40. Ճախարակ |
| 10. Խելոք հաշիվ | 41. Մեր կոոպերատիվը |
| 11. Հնարք | 42. Գյուղի առուտուրը |
| 12. Կենդանի անկյուն | 43. Գյուղից քաղաք |
| 13. Ընտանի կենդանիներ և
վայրի գաղաններ | 44. Շարժվող տունը |
| 14. Ով ինչ ե ուտում | 45. Ելեկտրականություն |
| 15. Բժշկի գրուցներից | 46. Կարմիր բանակի տարեդարձը |
| 16. Մեր ճաշը | 47. Ով ե Լենինը |
| 17. Ինչ ե անում մեր սանի-
տարը | 48. Պետյայի զբոսանքը |
| 18. Մրսելու դեմ | 49. Աշակերտի որատեսարից |
| 19. Ուրախ ձմեռ | 50. Մեր պսակը Լենինին |
| 20. Իմ սղղանը | 51. Լենինի թաղումը |
| 21. Առավոտ | 52. Հունվարի 9-ը |
| 22. Դասից ուշացող աշակերտը | 53. Վերջին փաթիլները (վոտան.) |
| 23. Յրտատար ականջներ | 54. Անցան (վոտան.) |
| 24. Ինչ կխնդրեր դիրքը | 55. Չնծաղիկ (վոտան.) |
| 25. Քուրքը | 56. Գարուն |
| 26. Որատեսարից | 67. Յերբ ե լինում (վոտան.) |
| 27. Վերմակը | 58. Ինչ պետք ե դիտել գարնանը |
| 28. Չմուսն եքսկուրսիան | |
| 29. Չյունը | |
| 30. Թոշունների սեղանը | |
| 31. Մենակ կապրեմ | |

ԳԱՐՈՒՆԸ ՄԵԶՆՈՒՄ

- | |
|---------------------|
| 59. Հատիկի գարթները |
| 60. Ցանքսը |
| 61. Հատիկ (վոտան.) |
| 62. Արոր (վոտան.) |

« Ազգային գրադարան



NL0246383

9012